


TIFFEN Color Control Patches
© The Tiffen Company, 2007

吉
廐
廐
生
山

1591224



光緒元年奉歲在
乙亥孟春開離

序

嘗考周禮春官小史掌邦國
之志外史掌四方之志而近在
省以通志外以專志編書比
隸史書地理類蓋省志即主
省之史郡志即郡之史
吉安府志自乾隆丙申年經

襄平盧尹修輯以迄今又歷
九十餘年竊意其間水陸之
變更城邑之沿革堤防之真
廢物產之盛衰典夫賦役
之重輕政化之得失及丙辰
兵燹之及府屬良紳士民婦
女殉難殉節之家皆今日之所

引而管日之所無倘因循歲月
不為修輯至于久而遂廢文
獻無徵亦守土之責也同記
庚午經前守空靜山沈曉峯
特罕所將蕉林洪君季陳
大憲在府設局重修延聘劉
詹巖先生彭翰林周禮部


為經纂尹湜軒誥公或司分
纂或司圖說究心舊志續增
新言益前人所缺畧廣後日
之凡閩庶幾哉他日按籍而稽
舉十屬之輿圖人物展卷瞭
然所以成一郡之掌故而佐江
右之地理也胥在是矣乙亥冬

予膺彤篆下車之初出志此
志早經定蔣誥公次第纂
理與詹巖誥君子朝夕討論
編纂成功矣茲誥公請予一
言以弁卷首故謹後序緣起
而為之序

皆

光緒二十二年歲次丙子中憲大夫

知吉安府事臨潢鍾珂謹
撰




重修吉安府志序

志所以備記載也雖郡縣所載不出方隅而山川形勢風
土民物非是莫稽志顧不重哉吉安據豫章上游疆域之
勝戶口之繁生植之廣為江右最而人文尤甲於他郡自
有宋歐陽文忠文信國以節義文章彪炳宇內嗣後英賢
踵接代不乏人然非志乘之作其流風餘韻幾何不湮沒
而不存乎考郡志肇於前明迨我
朝一修於順治庚子再修於乾隆丙申迄今志之不修已
近百年其間時會之變易風化之盛衰人事之興替與夫
忠孝廉節之足以植綱常扶名教者均宜重加蒐輯庶有
以彰往而詔來也余承乏是邦越六七稔憶下車伊始適

當兵燹之餘瘡痍未息閭里蕭然日汲汲以興廢舉墜爲務於是修城隍營廟祀葺學校建白鷺書院次第經理悉有成規惟郡志一事久爲缺典時耿耿於中而不能已歲己巳劉大中丞體

聖天子稽古右文之至意飭修通志一書余奉命竊喜上憲之嘉與都人士而又幸私衷之克遂也爰檄各屬相率從事復開局於郡城延鄉耆宿司纂職且籌經費以供日用之需蓋以其事重其功鉅非可漫焉已也乃經營粗就余旋以憂解任致一時盛舉自余經始者未克自余圖終不亦事與願違耶顧嘗聞之莫爲之前雖美弗彰莫爲之後雖盛弗傳余雖草創於前尚願後之官斯土者匡余不

逮相與有成俾是邦之文獻維持以弗替非特大有造於吉人也抑亦余之厚幸矣同治辛未知吉安府事長白定祥謹撰



有版如... 邑已... 務... 從... 孤... 志人... 數... 移... 周... 眉... 目... 通... 省... 都... 斯...

重修吉安府志序

余官京師時即留心外間人情風土以為人有剛柔之異
 土有躁溼之殊是政教之所由施化理之所自別也而時
 移勢異數有變更憑之耳聞虞多弗確俟諸目睹慮或難
 周計惟於紀載簡編搜羅而究核之庶幾瞭指掌而燦列
 眉焉憶昔公退之餘案牘之暇恒取各省郡縣志時時寓
 目雖未能徧觀而盡識而流覽之下見者繁矣嘗閱江西
 通志及豫章書見江右物產之豐盈人材之秀傑有非他
 省所能及者又閱江西郡縣各志見吉安一郡為通省望
 都人物尤盛心嚮慕者久之居無何銓選得守臨江素志
 斯符且與古邇謂藉是周咨博訪即由斯考獻徵文乎蒞

序

任年餘奉 憲檄纂修志書倍愜初衷爰亟提倡禮名儒
敦碩彥開局藏事在諸郡先未幾 憲檄復調攝吉郡篆
愈欣然若初衷之有神契也昔之披圖按籍者今將親履
其地一切見諸施爲況志書之纂亦獲躬與其事也辛未
孟秋來吉接篆視事之始以修志致詢乃經始肇端尚在
擬議用是亟亟夢寐難安適前任山東學使劉公詹巖主
講白鷺書院余延爲總纂俾主局事 公謂省志局事正
喫緊慮不克常任吉局余又延 前任福建觀察周公仙
舫同爲總纂二公皆郡人責有難辭旣任厥職於是協修
分修校對諸人以次定焉余爲擇日開局而余已值移篆
方以不克見剗之告成爲憾然事已定其規模立其程

式其間殫心瘁慮諸君子自能因始善終焉余又閱舊志
固詳且備而缺漏訛舛亦時有之且自髮逆竄擾以來人
事之變遷匪一凡所爲較舊志而補綴更正者諸君子自
當因事制宜務期於盡美盡善則幸甚矣余雖卽去書成
之日例得題數言以弁諸簡端爰製序如左明斯事之始
末並表余向日之留心人情風土爲政教化理之本者於
此略見一斑豈徒區區翰墨之事而已哉調署吉安府知
府長白德馨撰

我其間... 志儼於史示重也班固作漢史自天文地理以至溝洫刑
法咸立志由是以降志三國志十道志九域者不勝紀惟
我

重修吉安府志序


朝一統志版圖益廓考證綦詳下逮行省郡縣莫不有志
類皆參筆削之微旨補史書之闕遺志顧不重乎哉吉安
之志舊矣荆揚二州之域衡山之東庾嶺之北彭蠡敷淺
原之上游其山則青原香城金華玉笥其水則鑑湖蜜湖
文溪武溪其人則歐陽文忠文信國為之冠他如胡忠簡
楊忠襄羅文莊鄒文莊羅文恭諸公以道德文章勲業著
者接踵其物產則有玉版筍抱石魚紫草葱橘之屬其風

俗敦龐民務耕織儒術爲盛向之所紀載者莫可殫述雖
荊州風土襄陽耆舊茂以加茲顧自乾隆四十一年重修
至今百年閱時既久而事多變遷矧當粵寇肆擾屢遭兵
燹川原城郭平陂盛衰之故與夫忠義節烈之湮沒者何
可勝道則修志之舉爲尤重癸酉春予以部曹出守是郡
甫下車思所以敷施政教者必稽諸往籍乃有所法守昔
朱仲智之守吉也廉介自持政刑清簡藺芳繼之陳本深
尚寬簡而黜智巧吏民皆畏服予不敏不能繼前賢之芳
躅然心竊嚮往欲一覽舊志之所紀以資考證乃檢視官
書蕩然無存竊怪夫文物之邦簡編散佚守藏闕如出治
者將何所藉以考證乎抑予聞先賢朱子莅官必修志乘

論者稱其爲政知所重志之不可不修也予用是亟亟焉
旣而披覽繁牘始知奉文興修已三載矣前守定君詳諭
各屬集貲延郡紳彭觀察慶鍾周觀察立瀛相繼總其事
皆以疾卒是歲之冬稿甫就予乃延劉京堂繼鑒定而勸
刑部郎中彭世芳昆季捐貲鐫刻志之成有日矣郡紳咸
問序於予予曰志猶史也必修得其人京堂有史才退歸
林下者廿餘載其經濟罕所發舒然舊職史氏程度具在
必能本孟堅之意以修之當不徒網羅散佚實採近事刪
繁補略已也予知京堂開誠心集眾論事以博之詞以章
之道以通之法以檢之足以備

國史之採擇以傳不朽官斯土者庶足以考治郡之人士

亦有所取則焉諸君其勉襄厥事以期速成其分纂分修各姓氏工竣之日備詳於簡端茲不贅特序其緣起云爾
光緒元年歲次乙亥知吉安府事長白特克紳布序



重修吉安府志序

天下事往往難於創始而易於圖成然亦有克開厥始而不能觀其成者殆亦有時與數存乎其間歟繼洙守信州

時曾與修郡志之役閱十八月而書成所費約而厥事速

其時與數之適相值乎乙亥七月鍾君叔珮珂得

旨簡授吉安守繼洙奉檄先期來攝郡篆下車之後謁我

師劉詹巖先生繼洙弱冠為博士弟子員受知於先生及

通籍官京師僅一申弟子儀而先生以養親還鄉里二十

餘年又得從容侍几杖質平生所學與政治得失間以廣

信府志就正於先生先生喟然曰子於此書可謂有始終

者吉安府志官經三任時逾六載迄未成書子宜力成之

勿諉為異人任繼洙謹受教亟訪尹湜軒司馬繼美蕭友

松學博鶴齡王與琴廷評鶴書商推考訂謀所以成此書

者尹君曾官山左有德於彙梓說經之學能發前人所未

發蕭王兩君皆博雅淹貫不屑為近時之學其為文典贍

賅洽綱舉目張於此書蓋十得八九惟卷帙既繁諸君子

又精益求精故尚未卒業耳溯自庚午年開局以來前守

定君靜山祥延詹巖師暨彭錫之周仙舫兩觀察為主修

又延訪一郡博雅之士分門修輯定君以憂去官德君小

峰馨由臨江來權斯篆踵而行之所定規制愈加精詳未

幾瓜代去特君罕卿克紳布籌畫精勤知人善任以全書

屬之尹蕭王三君而折衷於我先生克成全稿上之大府

猶恐未盡善也重加釐訂聿觀厥成不意中道殂謝致為

未竟之業良可惜也迨予承乏此間彭周兩觀察已謝世

往日在局者亦多星散獨與三君者斟酌損益詳加參考

於殘編斷簡中搜羅薈萃俾畢其勳我先生實裁成之將

付鐫苦於費絀賴彭伯桂農部獨力捐資以成其美杜君

采峰道職邦浚總司出納翟君星槎學博秉懋督刊彌巖

其殆全書告成之時矣夫吉州為西江要郡形勝甲於通

省延袤千餘里徵文考獻固不敢留闕略之憾而髮逆肆

擾以來忠孝節烈筆不勝書今得成此鉅冊炳炳烺烺蔚

為大觀雖時與數之相值謂非守土者一幸事哉繕刊未

完予又調攝洪都鍾君已莅斯土則補其罅漏正其譌舛

序

成美備之觀而無憾者其在鍾君矣至此邦風俗之美人物之盛前序載之已詳故不復贅謹誌其緣起如此

賜進士出身江西廣信府知府調署吉安府事調補南昌府知府曲阜蔣繼洙蕉林甫撰於樟樹舟次

重修吉安府志後序

一統志統各直省以爲志各直省統各府州縣以爲志各府州又統所屬以爲志其兼綜條貫實爲省志之權輿此蓋郡守之事然不能不分其責於本郡之人以其見聞近而考據確也同治九年庚午吉安太守定公奉中丞檄修府志其時繹與彭錫之周仙舫俱在籍定公具關聘相邀會議於郡城於是籌費開局並延訪各屬文士同與編輯規模粗具逾年定公以憂去攝府篆者爲臨江守德公重理局務分任合修未及半載而特公來莅任適繹在省局彭養疴家居惟周以白鷺書院山長領其局各屬紳士咸集次第具草於甲戌冬彙繕成稿解送省局然迫於期限

僅據各屬鈔本倉猝呈書實未完備無何彭周相繼作古
特太守以爲此書必加審定謀之於繹乃復專任尹湜軒
蕭友松王與琴三人再加討論務期詳核精確然後付鐫
至乙亥八月特公又因病出缺中丞調廣信守蔣公署事
並督修府志重經鑒訂催工甚急適以檄調南昌急赴新
任十二月今太守鍾公奉

特簡出典是郡下車伊始卽以志事爲先務數蒙致書垂
詢約以今歲開篆啟局仲春之朔繹由籍赴郡再邀同人
重加修飾編次督刻賴公經營調劑以終此局至是斯志
乃克底於成是役也定公經始倡修合十屬醵金四千有
奇奈局設數年費用告匱廬陵彭伯桂農部獨任刊費計


二千餘緡俾得鳩工蕘事全書五十四卷本舊志而參訂
增續之藉眾手以集益憶自章程初定以來歷承各郡伯
倡導督率咸樂從事乃以寒暑迭更人事遷變中間不免
斷續迨至七年之久而繹也以老耄旅進旅退追隨其間
幸獲觀成前後情事歷歷可記因述其大略以見成事之
難云爾光緒二年丙子暮春之初郡人劉繹謹序

欽定四庫全書
 吉安府志卷首
 一
 二
 三
 四
 五
 六
 七
 八
 九
 十
 十一
 十二
 十三
 十四
 十五
 十六
 十七
 十八
 十九
 二十
 二十一
 二十二
 二十三
 二十四
 二十五
 二十六
 二十七
 二十八
 二十九
 三十
 三十一
 三十二
 三十三
 三十四
 三十五
 三十六
 三十七
 三十八
 三十九
 四十
 四十一
 四十二
 四十三
 四十四
 四十五
 四十六
 四十七
 四十八
 四十九
 五十
 五十一
 五十二
 五十三
 五十四
 五十五
 五十六
 五十七
 五十八
 五十九
 六十
 六十一
 六十二
 六十三
 六十四
 六十五
 六十六
 六十七
 六十八
 六十九
 七十
 七十一
 七十二
 七十三
 七十四
 七十五
 七十六
 七十七
 七十八
 七十九
 八十
 八十一
 八十二
 八十三
 八十四
 八十五
 八十六
 八十七
 八十八
 八十九
 九十
 九十一
 九十二
 九十三
 九十四
 九十五
 九十六
 九十七
 九十八
 九十九
 一百

吉安府志卷首

綸音

御製臥碑文 順治



朝廷建立學校選取生員免其丁糧厚以廩膳設學院學
 道學官以教之各衙門官以禮相待全要養成賢才以
 供

朝廷之用諸生皆當上報

國恩下立人品所有教條開列於後

一生員之家父母賢智者子當受教父母愚魯或有非為

者子既讀書明理當再三懇告使父母不陷於危亡

一生員立志當學為忠臣清官書史所載忠清事蹟務須

互相講究凡利國愛民之事更宜留心

一生員居心忠厚正直讀書方有實用出仕必作良吏若

心術邪刻讀書必無成就為官必取禍患行害人之事

者往往自殺其身常宜思省

一生員不可干求官長交結勢要希圖進身若果心善德

全上天知之必加以福

一生員當愛身忍性凡有司官衙門不可輕入即有切己

之事止許家人代告不許干與他人詞訟他人亦不許

牽連生員作證

一為學當尊敬先生若講說皆須誠心聽受如有未明從

容再問毋妄行辨難為師亦當盡心教訓勿致怠惰

一軍民一切利病不許生員上書陳言如有一言建白以

違制論黜革治罪

一生員不許糾黨多人立盟結社把持官府武斷鄉曲所

作文字不許妄行刊刻違者聽提調官治罪

諭禁左道惑眾

順治十三年

上諭禮部朕惟治天下必先正人心正人心必先黜邪術

儒釋道三教並垂皆使人為善去惡反邪歸正遵王法

而免禍患此外乃有左道惑眾如無為白蓮聞香等教

名色起會結黨夜聚曉散小者貪圖財利恣為姦淫大

者招納亡命希謀不軌無知小民被其引誘迷罔顛狂

至死不悟歷考往代覆轍昭然深可痛恨向來履行禁

飭不意餘風未殄墮其邪術者實繁有徒京師輦轂重
 地借口進香張幟鳴鑼男女雜糅喧填衢巷公然肆行
 無忌若不立法嚴禁必為治道大蠹雖倡首奸民罪皆
 自取而愚蒙陷網罹辟不無可憫爾部大揭榜示今後
 再有踵行邪教仍前聚會燒香歛錢號佛等事在京著
 五城御史及地方官在外著督撫按道有司等官設法
 緝拿窮究奸狀於定律外加等治罪如或徇縱養亂爾
 部即指參處治特諭

諭興教化

康熙九年

上諭禮部朕惟至治之世不專以法令為務而以教化為
 先其時人心醇良風俗樸厚刑措不用比屋可封長治

久安茂登上理蓋法令禁於一時而教化維於可久若
 徒恃法令而教化不先是舍本而務末也近見風俗日
 敝人心不古囂凌成習僭濫多端狙詐之習日工獄訟
 之興靡已或豪富凌轢孤寒或劣紳武斷鄉曲或惡衿
 出入衙署或蠹棍詐害善良萑苻之劫掠時聞讐忿之
 殺傷叠見陷罹法網刑所必加誅之則無知可憫宥之
 則憲典難寬念茲刑辟之日繁良由化道之未善朕今
 欲法古帝王尚德緩刑化民成俗舉凡敦孝弟以重人
 倫篤宗族以昭雍睦和鄉黨以息爭訟重農桑以足衣
 食尚節儉以惜財用隆學校以端士習黜異端以崇正
 學講法律以儆愚頑明禮讓以厚風俗務本業以定民

志訓子弟以禁非為息誣告以全善良誠窩逃以免株連完錢糧以省催科聯保甲以弭盜賊解讐忿以重身命等項作何訓迪勸導及作何責成內外文武該管各官督率舉行爾部詳察典制定議具奏特諭

諭蠲漕糧一年

康熙三十年

上諭戶部朕撫馭區宇三十年以來早夜圖維惟以愛育蒼生俾咸臻安阜為念比歲各省額徵錢糧業已次第蠲豁其歲運漕米向來未經議免朕時切軫懷所有京通各倉米穀搏節支給數載於茲今歲年儲積之粟恰足供用應將起運漕糧逐省蠲免以紓民力除河南省明歲漕糧已頒諭免徵外湖廣江西浙江江蘇安徽

山東應輸漕米著自康熙三十一年始以次各蠲免一年至江寧京口杭州荊州大兵駐防地方亦應預行積儲著將康熙三十一年起運三十年漕米各截留十萬石存置倉厰令該地方官敬慎守視以備需用爾部即遵諭行特諭欽此

御製訓飭士子文

康熙四十一年

國家建立學校原以興行教化作育人才典至渥也朕臨御以來隆重師儒加意庠序近復慎簡學使釐剔弊端務期風教修明賢才蔚起庶幾棧樸作人之意乃比年士習未端儒效罕著雖因內外臣工奉行未能盡善亦由爾諸生積錮已久猝難改易之故也茲特親製訓言

再加警飭爾諸生其敬聽之從來學者先立品行次及文學學術事功原委有序爾諸生幼聞庭訓長列宮牆朝夕誦讀寧無究心必也躬修實踐砥礪廉隅敦孝順以事親秉忠貞以立志窮經考業勿雜荒誕之談取友親師悉化驕盈之氣文章歸於醇雅毋事浮華軌度式於規繩最防蕩軼子矜佻達自昔所譏苟行止有虧雖讀書何益若夫宅心弗淑行己多愆或蜚語流言脅制官長或隱糧包訟出入公門或唆撥姦猾欺孤凌弱或招呼朋類結社邀盟乃如之人名教不容鄉黨勿齒縱倖脫襦扑濫竊章縫返之於衷寧無愧乎況乎鄉會科名乃掄才大典關係尤鉅士子果有真才實學何患困

不逢年顧乃標榜虛名暗通聲氣夤緣詭遇罔顧身家又或改竄鄉貫希圖進取囂凌騰沸網利營私種種弊端深可痛恨且夫士子出身之始尤貴以正若茲厥初一拜獻便已作姦犯科則異時敗檢踰閑何所不至又安望其秉公持正爲國家宣猷樹績膺後先疏附之選哉朕用嘉惠爾等故不禁反復惓惓頒茲訓言爾等務共體朕心恪遵明訓一切痛加改省爭自濯磨積行勤學以圖上進國家三年登造束帛弓旌不特爾身有榮卽爾祖父亦增光寵矣逢時得志寧俟他求哉若仍視爲具文玩愒弗儆毀方躍冶暴棄自甘則是爾等冥頑無知終不能率教也旣負栽培復干咎戾王章具在朕亦

不能爲爾等寬矣自茲以往內而國學外而直省鄉校
一凡學臣師長皆有司鐸之責者並宜傳集諸生多方董
一勸以副朕懷否則職業弗修咎亦難追勿謂朕言之不
預也爾多士尙敬聽之

諭免積欠錢糧

康熙四十五年

上諭戶部朕子育黎元日求所以休養利濟之道念惟賜
租減賦實有裨益於民生直隸各省錢糧次第全蠲一
年者業經數舉獨是歷年逋負積累加增舊稅新徵勢
難兼辦縱使少寬民力分年帶輸而督令續完仍多拮
据朕倦懷及此深切軫恤是用蠲逋已責大沛恩膏俾
閭閻獲免追呼官吏亦不罹叅罰直隸山東積欠錢糧

今年俱已蠲免其山西陝西甘肅江蘇安徽浙江江西
湖北湖南福建廣東各省自康熙四十三年以前未完
地丁銀二百一十二萬二千七百兩有奇糧十萬五千
七百石有奇著按數通行豁免或舊欠已完在官而現
年錢糧未完足者亦准作抵諭旨到日各該撫立行所
屬張示徧諭有不肖有司以完作欠朦混銷算及開除
不清者該督撫卽時題叅嚴加治罪爾部卽遵諭行特
諭欽此

諭蠲免錢糧

康熙五十一年

上諭戶部朕宵旰孜孜勤求民瘼永惟惠下實政無如除
賦蠲租除每歲直省報聞偶有水旱災傷照輕重分數

豁免正供仍加賑卹外將天下地丁錢糧自五十年為始三年之內全免一週使率土黎庶普被恩膏除將直隸奉天浙江福建廣東廣西四川雲南貴州及山西河南陝西甘肅湖北湖南各直省康熙五十年五十一年地丁錢糧一概蠲免歷年舊欠錢糧一併免徵外所有江寧安徽山東江西各撫屬除漕項外五十二年應徵地畝銀共八百八十二萬九千六百四十四兩有奇人丁銀共一百三萬五千三百二十五兩有奇俱著查明全免其歷年舊欠銀二百四十八萬三千八百二十八兩有奇亦並著免徵計三年之內總免過天下地畝人丁新徵舊欠共銀三千二百六十萬四千六百九十七

兩有奇各該督撫務須實心奉行體朕軫念民生至意如有侵欺隱匿使惠不及民借端科派者督撫嚴行察叅督撫失察事發之日亦嚴加究治諭旨到日立即徧示城郭鄉村咸使知悉爾部即遵諭行特諭欽此

諭報增人丁永不加賦 康熙五十二年

上諭海宇承平日久戶口日繁地畝並未加廣宜施寬大之恩共享恬熙之樂嗣後直隸各省地方官遇編審之期察出增益人丁止將實數另造清冊奏聞其徵收錢糧但據康熙五十年丁冊定為常額續生人丁永不加

賦仍不許有司於造冊之時藉端需索用副朕休養生息之意 盧志案康熙五十二年 恩詔內滋生人丁永不加賦御史黃之燧疏奏各省州縣丁制亦

有不同有丁從地起者其法最善而無知愚民每每急求售地地賣而丁仍存有丁從人起者富豪大戶遇編審之年囑里書隱匿不報而小戶窮民盡入版冊無地納稅一切差役俱照丁起派既役其身復征其稅為現地在人丁之累今人丁既不增額則有定數可稽請核查地畝按畝均派以免窮丁賠累等因五十五年經部議以隨地制宜未便更張如有買賣地畝丁隨地起其地亦隨買主輸課則小民不致賠累覆奏允行在案至今直省普戴皇恩近復欽奉聖旨停止編審城鄉安靜無擾永享昇平之福云

諭豁免帶徵地丁康熙五十六年

上諭戶部朕撫馭寰宇五十餘年夜寐夙興為小民勤求生遂几率土遠近皆期共享樂利聿成家給人足之休未嘗一日不廑諸懷也數十年以來各省正賦屢經全免歷年積欠亦已蠲徵偶有雨澤愆期或發倉廩散給或截漕糧賑救不惜數萬萬金錢米穀頻沛恩施誠念

窮簷之艱慮其至於顛連失所耳近者民力雖已稍紓然念分年帶徵銀兩若不格外優寬則小民一歲所獲分納二年之賦以其贏餘養贍室家斷難充足朕每懷及此軫惻良深宜更加殊恩通行豁免今將直隸安徽江蘇浙江江西湖廣西安甘肅等八處帶徵地丁屯衛銀二百三十九萬八千三百八十兩有奇概免徵收其漕項雖例不准免亦著破格施恩將安徽江蘇所屬帶徵漕項銀四十九萬五千一百九十餘兩米麥豆一十四萬六千六百一十餘石內蠲免各半爾部即行文該督撫嚴飭所屬實心奉行徧加曉諭俾民間無徵催之累均沾實惠用稱朕撫卹羣黎至意倘有不肖有司借

端朦混私行徵收者該督撫嚴察叅處如該督撫失察一併從重處分爾部卽遵諭行特諭欽此

諭知府

雍正元年

上諭國家親民之官莫先於守令蓋州縣官與民最親而知府又與州縣官最親九州縣興利除弊之事皆於知府有專責焉是知府一官分寄督撫監司之耳目而爲州牧縣令之表率承流於上宣化於下所繫綦重矣漢宣帝有曰太守吏民之本也又曰庶民所以安其田里而無歎息愁恨之聲者政平訟理也與我共此民者其惟良二千石乎故兩漢循良稱盛而賢守尤多龔黃召杜諸人大都皆廉潔和平正身率屬以與民休養生息

史稱其所居民富所去民思此皆彰明較著者也

皇考澄肅官方慎簡僚吏知府中有政績茂異聲名著聞者必加優眷數年之間卽膺殊擢所以鼓勵循良務令羣黎受福爾等蒙

皇考簡用之恩受國家民社之寄地方不甚遼遠則於民間之疾苦可以周知勢分不甚懸殊則於屬下之賢否可以洞悉爾果廉正自持屏絕賄賂則督撫監司必不致肆行需索而州牧縣令亦不敢恣意貪婪近聞州縣火耗任意加增罔知顧忌以小民之脂膏飽貪吏之谿壑由爾不能卻遺金於暮夜又安能禁屬吏之濫征乎盤查倉庫必須覈實不可視爲故事乃或借盤查之名勒

索餽遺是因盤查而虧空愈甚矣爾能時勤勸誠加以體恤則州縣可無虧空之虞能制節謹度淡薄是安則爾亦可免虧空之累勸農課桑以厚風俗禁強戢暴以安善良平情聽斷以清獄訟皆爾職守之所當盡者至於督撫舉劾州縣必由爾之詳揭務須秉公持正勿涉偏私若善於逢迎者從而庇護薦拔之而端方恬靜之人反故為摧抑下吏督苟且營私以求容悅地方之事尚可問乎居官者每有初入仕途清操自矢漸登華要頓改初心既知砥礪廉隅即當始終一節更有巧於仕宦者人每謂其名實兼收朕最不解此語夫名者實之華果能潔己愛民奉公盡職此所謂實也治行稱首民

歌輿頌此所謂名也實至而名隨之如本立而華茂焉若以弋取虛譽為名而以封殖多藏為實此則小人之尤更甚於貪黷彰聞之輩矣朕纘承大統夙夜祇懼惟恐有負

皇考

付託之重深冀爾等各體此意精白乃心以古循良自勉若徇私納賄不能率屬愛民貽害地方蔑視憲典三尺具在朕不能為爾等寬也特諭欽此

諭知州知縣

雍正元年

上諭朕惟國家首重吏治爾州牧縣令乃親民之官吏治之始基也貢賦獄訟爾實司之品秩雖卑職任綦重州縣官賢則民先受其利州縣官不肖則民先受其害膺

茲任者當體朝廷惠養元元之意以愛民爲先務周察
蔀屋緩輯鄉里治行果有其實循卓自有其名非內聚
賄而外干譽謂之名實兼收也全省吏治如作室然督
撫其棟梁也司道其垣墉也州縣其基址也書云民惟
邦本本固邦寧夫所以固邦本者在吏治而吏治之本
在州縣苟州縣之品行不端猶基不立則室不固庸有
濟乎

皇考臨御六十一年灼知州縣之重特行引見咨詢明試至
詳至慎其有廉能之員每不次超擢以示鼓勵今海內
羣黎皆

皇考所懷保也朕膺

宗社重寄思繼

皇考之治功惟爾州縣諸臣具有父母斯民之責其爲朕立
之基址以固邦本焉誠能潔己奉公實心盡職一州一
縣之中興仁興讓教孝教忠物阜民安刑清訟簡朕將
升之朝宁用作股肱如或罔念民瘼恣意貪婪或朘削
肥家或濫刑逞虐或借刻以爲清或恃才而多事或諂
媚上司以貪位或任縱胥吏以擾民或徇私逞欲以上
虧國帑王章具在豈爾貸歟更有任州縣時私肥己橐
而漫云且俟顯要方立名節者其與初市清名晚而改
操之人何以異哉至於錢糧關係尤重絲毫顆粒皆百
姓之脂膏增一分則民受一分之累減一分則民沾一

分之澤前有請暫加火耗抵補虧空帑項者

皇考示諭在廷不允其請爾諸臣共聞之矣今州縣火耗任意加增視爲成例民何以堪乎嗣後斷宜禁止或被上司察核或被科道糾察必從重治罪決不寬貸夫欲清虧空之原莫如節儉正直節儉則用無不足正直則上官不可干以私若賸小民之生以飽上官之貪欲冒不測之罪以快一時之奢侈豈砥礪廉隅爲民父母之道乎爾州縣等官其恪共乃職勿貽罪戾毋謂地遠官卑朕不及察其賢否也特諭欽此

諭副將叅將遊擊等官

雍正元年

上諭朕惟國家兵制凡疆宇要地旣設提督總兵統率鎮

守又設副將叅遊分列營伍遞相鈐轄蓋從古治兵有大帥必有偏裨所以宣揚威武協贊軍機收指臂之效奠磐石之安也爾等所屬地形有險易兵數有多寡各宜預定練兵之法親校騎射嚴試技勇簡拔驍銳更換老羸務令一營士卒人材雄健武藝精嫻又時教以行陣使之步伐進退井然有法日演月習氣壯心齊自成有制之師而無難折衝禦侮矣乃有不肖將弁不勤訓練按籍徒有虛名責效毫無實濟營伍廢弛爲害最大其弊由於將弁之貪利而廢法一在冒虛糧而兵無實數一在尅月糧而兵有怨心上虧天家之糧餉下賸窮卒之脂膏身司戎務而不能廉正以服眾雖日示訓練

之注誰爲之踴躍用命乎爾等遇有兵丁空缺卽選力
勇技精者補足隊伍至於馬步各糧按期領給不得尅
減分毫古之良將多以愛恤士卒克建膚功投醪挾纊
之風爾等宜知嚮慕爲官軍之協守一方所以捍衛一
方之百姓故曰設兵以衛民也防亂於未萌緝奸於已
發俾居民安家樂業共享昇平自然受兵之利而不受
兵之害倘或約束不嚴縱兵肆虐誘賄放債恃強奪利
甚至地方小警漫不防禦緝捕以致奸宄滋蔓徒卸責
於有司文武失和秦越相視殊背國家設兵鎮守之意
律法具在罪有攸歸至於爾等簡用督撫中軍責任匪
輕尤宜潔已奉公恪遵法紀至都司守備千總把總等
爾等曾受

皇考選擢之恩自應保守前勞力圖後效果能整飭戎伍先
著干城之望朕自不惜寵以崇階倘若廢墮武備侵漁
糗芻甚且妄執武官不惜死之言恣意逞威虐民生事
爲害於地方王法森嚴決難輕貸特諭欽此

諭旌表

雍正元年

上諭禮部致治之要首在風化移風易俗莫先於鼓勵良
善使人人知彝倫天則之爲重忠孝廉節之宜敦古帝
王勞來匡直所以納民於軌物者舍是無由也朝廷每
遇覃恩詔款內必有旌表孝義貞節之條實係鉅典邇

來直省大吏往往視爲具文並未廣諮遠訪祇將有力之家囑託賂遺者漫憑郡縣監司之申詳卽爲題請建坊而山村僻壤窮氓耕織之人或菽水養親天性篤孝或柏舟矢志之死靡他鄉鄰嗟嘆爲可欽而姓氏不傳於城邑幽光湮鬱潛德消沉者何可勝數爾部卽著傳諭督撫學政諸臣嗣後務令各屬搜羅虛公核詢確據本人鄉評實蹟題奏旌獎勿以匹夫匹婦而輕爲沮抑勿以富家巨族而濫爲表揚以副朕成俗化民實心彰善至意特諭欽此

諭給漕米脚耗

雍正元年

上諭戶部朕自臨御以來勤求民瘼事無鉅細必延訪體

察務期利民而於徵收錢糧尤爲留意惟恐閭閻滋擾此念時切於懷如江西省產漕各州縣運糧到省又自省倉搬上軍船故有脚耗扒夫修倉鋪墊等項編載全書歷來支給已久自康熙二十三年部中誤駁不准支給行令追還嗣後一例駁追究無完解至三十四年

聖祖

仁皇帝特頒諭旨將從前已經支給者俱免追賠恩至

渥也至康熙三十八年部議又以脚耗與扒夫等項分晰未清仍令扣追不知脚耗乃貼運之總名扒夫等項乃支給之細數其實一事非兩項也自康熙三十八年至今二十餘載應追銀五十一萬餘兩米六十一萬餘石積累增多究無完解追比日久官民均受其累朕知

之甚悉特諭爾部將從前積欠盡免追賠向後准其支給以副朕加惠黎元體恤有司之意爾部即遵諭行特諭欽此

聖諭廣訓序文 雍正二年

書曰每歲孟春道人以木鐸徇於路記曰司徒修六禮以節民性明七教以興民德此皆以敦本崇實之道為

聖祖仁皇帝人道化成德洋恩普仁育萬物義正萬民六十年來宵衣旰食祇期薄海內外與仁講讓草薄從忠共成親遜之風永享昇平之治故

特頒上諭十六條曉諭八旗及直省兵民人等自綱常名教之際以至於耕桑作息之間本末精粗公私鉅細凡民情之所習皆

睿慮之所周視爾編氓誠如赤子

聖祖謨訓明徵定保萬世守之莫能易也朕纘承大統臨御兆人以

聖祖之心為心以

聖祖之政為政夙夜匪懈率由舊章惟恐小民遵信奉行久而或怠用申誥誠以示提撕謹將

上諭十六條尋繹至義推衍其文共得萬言名曰

聖諭廣訓旁徵遠引往復周詳意取顯明詞多直樸無非奉先志以啟後人使羣黎百姓家喻而戶曉也願爾兵民等仰

體

聖祖正德厚生之至意勿視爲條教號令之虛文共勉爲謹
身節用之庶人盡除夫浮薄蠶凌之陋習則風俗醇厚
家室和平在朝廷德化樂觀其成爾後嗣子孫並受其
福積善之家必有餘慶其理豈或爽哉

諭樹藝

雍正二年

上諭直省督撫等官朕惟撫養元元之道足用爲先朕自
臨御以來無刻不廛念民依重農務本業已三令五申
矣但我國家休養生息數十年來戶口日繁而土田止
有此數非率天下農民竭力耕耘兼收倍獲欲家室盈
寧必不可得周官所載巡稼之官不一而足又有保介

田峻日在田間皆爲課農設也今課農雖無專官然自
督撫以下孰不兼此任也其各督率有司悉心相勸並
不時咨訪疾苦有絲毫妨於農業者必爲除去仍於每
鄉中擇一二老農之勤勞作若者優其獎賞以示鼓勵
如此則農民知勸而惰者可化爲勤矣再舍傍田畔以
及荒山不可耕種之處度量土宜種植樹木桑柘可以
飼蠶棗栗可以佐食楸桐可以資用卽榛楛雜木亦足
以供炊爨其令有司督率指畫課令種植仍嚴禁非時
之斧斤牛羊之踐踏奸徒之盜竊亦爲民利不小至孳
養牲畜如北方之羊南方之兔牧養如法乳字以時於
生計不無裨益總之小民至愚經營衣食非不迫切而

於目前自然之利反多忽略所賴親民之官委曲周詳多方勸導庶使踴躍爭先人力無遺而地利始盡不惟民生可厚風俗亦可還淳爾督撫等官各體朕惓惓愛民之意實心奉行倘視爲具文苟且塗飾或反以擾民則尤其不可也特諭

諭積貯

雍正三年

上諭古者視歲之上中爲儲蓄之節蓋官民經畫久遠不爲一時苟且之計積之於豐年用之於歉歲所謂有備無患法良而意美也朕自臨御以來宵旰勤求無刻不以民依爲念乃重農積粟之詔屢下而閭閻卒少蓋藏官倉亦多虧缺卽如直隸保定等府去歲頗稱有秋今

春二麥亦熟乃以夏秋雨水過多田禾被澇而民間遂有饑色幾至流離若非多方賑恤窮民必至失所此皆草野無知食不以時用不以禮但快目前之有餘罔計異日之不足一遭旱澇追悔無從至於常平等倉原爲備荒而設乃有司奉行不力多致缺額罪何可追茲據江南浙江江西湖廣福建河南山西陝西廣東廣西雲南貴州等省督撫報稱今歲秋成八九十分不等朕覽奏不勝慰悅又重爲吾民計及長久宜及此時講求儲蓄之道以備將來該督撫等可轉飭有司徧行曉諭務須撙節愛惜各留有餘預爲他時緩急之需社倉之法亦宜趁此豐年努力爲之勿但視爲虛文故事朕爲吾

民籌畫養贍之道惓惓於懷無時或釋而吾民自謀其身家若但苟且因循不復長顧遠慮則重負朕軫念元元之意矣至於州縣倉儲向有虧缺者若不趁此豐收之時速行買補將來發覺斷不姑貸慎之慎之特諭

諭正士習

雍正四年

上諭爲士者乃四民之首一方之望凡屬編氓皆尊之奉之以爲讀聖賢之書列膠庠之選其所言所行俱可以爲鄉人法則也故必敦品勵學謹言慎行不愧端人正士然後以聖賢詩書之道開示愚民則民必聽從其言服習其教相率而歸於謹厚或小民偶有不善之事卽懷愧恥之心相戒勿令某人知之如古人之行事則民

風何患不瀉世道何患不復古耶朕觀今日之士雖不乏閉戶勤修讀書立品之輩而蕩檢踰閑不顧名節者亦復不少或出入官署包攬詞訟或武斷鄉曲欺壓平民或違抗錢糧藐視國法或代民納課私潤身家種種卑汚下賤之事難以悉數彼爲民者見士子誦讀聖賢之書而行止尙且如此則必薄待讀書之人而並且輕視聖賢之書矣士習不端民風何由而正其間關係極爲重大朕自卽位以來加恩學校培養人材所以教育士子者無所不至宜乎天下之士皆鼓舞奮興爭自濯磨盡去其佻達之習矣而內外諸臣條奏中臚列諸生之劣蹟請行嚴懲者甚多朕思轉移化導之法當先端

其本源教官者多士之儀型也學臣者教官之表率也
教官多屬中材又或年齒衰邁貪位竊祿與士子爲朋
儔視考課爲故套而學臣又但以衡文爲事任教官之
因循怠惰苟且塞責漫不加察所以倡率之本不立無
怪乎士習之不端而風俗之未淳也朕孜孜圖治欲四
海之大萬民之眾皆向風而慕義草薄而從忠故特簡
督學之臣慎重教官之職欲使自上而下端本澄源以
收實效也凡爲學臣者務須持正秉公宣揚風化於教
官之稱職者卽加薦拔溺職者卽行叅革爲教官者訓
誨士子悉秉誠心如父兄之督課子弟至於分別優劣
則至公至當不涉偏私如此各盡其道則士子人人崇

尙品詣砥礪廉隅且不但自淑其身而羣黎百姓日聞
善言日觀善行以生其感發之念風俗之丕變庶幾其
可望也特諭

諭辨禮義廉恥

雍正五年

上諭近因考試新科進士以宋儒所云士人當有禮義廉
恥句爲論題諸進士試卷進呈朕躬自披覽見其文藝
之工拙優劣固有不同然大概皆詞章記誦之常談見
解卑淺識量狹隘未能真知題中之理蘊而實有發明
蓋所言止於儀文末節而已非禮義廉恥之大者也朕
則謂古人言禮義廉恥國之四維者蓋以天下之大四
海之眾皆範圍其中而不可須臾離而士人貴有禮義

廉恥之說所指甚遠所包甚宏上之爲人君下之爲人臣皆當求其大者以爲務而不可屬於儀文末節之間也以禮言之如化民成俗立教明倫使天下之人爲臣者皆知忠爲子者皆知孝此禮之大者也進退周旋俯仰揖讓此禮之小者也以義言之如開誠布公蕩平正直使天下之人無黨無偏和衷共濟此義之大者也然諾不欺出入必謹此義之小者也以廉言之理財用崇儉務本使天下之人家給人足路不拾遺盜賊不生爭訟不作貪官污吏無以自容此廉之大者也簞食豆羹一介不取此廉之小者也至於以恥言之爲人君者憲天出治誠和萬民則當以一夫不獲其所爲恥爲人

臣者行義達道兼善天下則當以其君之不爲堯舜爲恥若夫迂拘曲謹如鄉黨自好之類不失言於人不失色於人此乃知恥之小者耳曾何足以盡有恥之道乎欲爲君盡君道欲爲臣盡臣道而其道曾不外禮義廉恥之四端士人者必當以天下爲己任其身卽爲臣之身而有致君之責者豈可徒知禮義廉恥之小節而不知禮義廉恥之大者乎夫禮義廉恥由一端之小者擴而充之皆可以保四海然必知其大者而務之自可不遺於其小若或徒窺小節而不知其大則迂拘曲謹止圖檢束一身而不敢任天下之重此則細民之行而非士人之道也孔子曰人能弘道非道弘人其可不勉自

奮立乎朕引見新進士之時即欲面加訓諭因天氣炎熱恐伊等暫時跪聽不能悉心領會今特詳為宣示朕願與大小諸臣交相儆勉詳思禮義廉恥之大者身體力行則人心風俗蒸蒸日上而唐虞三代之治庶幾其可復見矣特諭

諭人子毋毀傷肢體 雍正六年

上諭覽福建巡撫常賚奏稱羅源縣孝子李盛山割肝救其母病母病愈後李盛山傷重身故請加旌表部議以割肝乃小民輕生愚孝向無旌表之例應不准行朕念割肝療疾事雖不經而其迫切救母之心實難得而可憫已加恩准其旌表矣嘗讀韓愈之文曰母疾則止於

烹粉藥石以為事未聞毀傷肢體以為養苟不傷於義則聖賢當先眾而為之矣又讀朱子書曰割股固自不是若誠心為之不求人知亦庶幾今乃有以此要譽者是先儒論及此者屢矣本朝順治年間定例割股或致傷生卧冰或致凍死恐民儆儆不准旌表伏思我

世祖皇帝

聖祖皇帝臨御萬方立教明倫與人為善而於此例慎予旌表者誠乃天地好生之盛心聖人覺世之至道視人命為至重不可以愚昧而誤戕念孝道為至宏不可以毀傷為正理立法垂訓實有深意存焉但向來地方有司未嘗以聖賢經常之道與國家愛養之心明白曉諭開

導編氓是以愚夫愚婦救親而捐軀殉身而殞命者往往有之既有其事若不予以旌表恐無以彰其苦志而慰其幽魂所以數十年來雖定不予旌表之例而仍許其奏聞且有邀恩於常格之外者仰見

聖祖皇帝哀矜下民之

聖心固如是之周詳而委曲也孝經曰身體髮膚受之父母不敢毀傷孝之始也孟子曰事孰爲大事親爲大守孰爲大守身爲大此皆言人子一身乃父母之遺體雖一髮一指不可偶有虧損以傷父母之所貽也孔子曰父母惟其疾之憂蓋父母愛子之心無所不至倘有疾病尙以爲憂設有不肖忤逆之子父母且怒而矜之其

純孝之子而父母之憐愛又當何如也豈有以己身患病之故割其子之肝肉充飲饌而和湯藥其父母之心斷無不驚憂慘惕不安之理也若因此而至於傷生又豈父母所忍聞者乎夫父母有疾固人子所當盡心竭力之時而孝道多端實不容効命捐軀於一節孔子曰生事之以禮死葬之以禮祭之以禮是人生孺慕之誠原通百年而無闕者也人子一身承先啟後負荷甚鉅若舍生殞命於倉卒之間而忘宗祀繼續之重恐非所以爲孝也況人子於親本乎天性倘能盡至誠純孝之實則親病雖篤呼籲請禱力省一身之過誓願爲一正人如此必能感天地動鬼神何須割肝剖股以爲回生

之良劑乎家庭之行惟在至誠至誠善體親心不必以驚世駭俗之爲著奇於日用倫常之外也至若婦人從一之義醮而不改乃天下之正道而其間節婦烈婦亦有不同者烈婦以死殉夫慷慨相從於地下固爲人所難能然烈婦難而節婦尤難蓋從死者取決於一時而守貞者必歷夫永久從死者致命而遂已而守貞者備嘗其艱難且烈婦之殉節捐軀其間情事亦有不同者或迫於貧窶而寡自全之計或出於憤激而不暇爲日後之思不知夫亡之後婦職之當盡者更多上有翁姑則當奉養以代爲子之道下有後嗣則當教育以代爲父之道他如修治蘋蘩經理家業其事難以悉數安得

以一死畢其責乎是以節婦之旌表載在典章而烈婦不在定例之內者誠以烈婦捐生與割肝剖股之愚孝其事相類假若做倣者多則戕生者眾爲上者之所不忍也向來未曾通行曉諭朕今特頒諭旨著地方有司廣爲宣布務期僻壤荒村家喻戶曉俾愚民咸知孝子節婦之自有常道可行而保全生命之爲正理則倫常之地皆合中庸不負國家教養矜全之德矣倘訓諭之後仍有不愛軀命蹈於危亡者朕亦不概加旌表以成閭閻激烈之風長愚民輕生之習思之思之特諭欽此

諭建修倉廩

雍正七年

上諭各州縣之設立常平倉積貯米穀原以備地方一時

緩急之需所關甚重朕爲此備極焦勞多方籌畫務期
倉儲有賴早潦無虞年來所頒諭旨亦深切著明矣夫
收貯米穀必須倉廩堅固始爲經久之計是以從前降
旨將倉廩之完整與否一併入於交盤之內以爲州縣
官之考成今聞各省之中偏僻之邑竟有向來本無倉
廩而有司苟且因循不行詳請督撫藩司等亦忽然不
察致將養民備荒之具或寄頓於寺廟或借放於紳士
富戶之家而霉爛虧折生事滋擾之弊多由此起大非
朕慎重民儲之意凡各省未有倉廩之州縣着該督撫
詳悉查明商酌卽行建造其造倉之費或動用正項錢
糧或支給存公銀兩着該督撫酌量本地情形悉心定

議具奏特諭

諭禁賭博

雍正七年

上諭游惰之民自昔治天下之所深惡若好爲賭博之人
又不止於游惰而已荒棄本業廢盡家貲品行日卽於
卑汚心術日趨於貪詐父習之則無以訓其子子習之
則無以制其奴鬪毆由此而生爭訟由此而起盜賊由
此而多匪類由此而聚其爲人心風俗之害誠不可以
悉數也大凡爲不善之事者雖干犯功令猶可得微利
於一時而獨至賭博則今日之所得明日卽未必能保
若合一年數月而計之勝者與負者同歸於盡此天下
人所共知者而無如邪僻之人一入其中卽迷而不悟

且甘爲下賤而不辭者大可悲矣數年以來屢降諭旨嚴禁而此風尙未止息者則以製造賭具之尙有其人而有司之禁約未嘗盡力也百工技藝之事可以獲利營生者何事不可爲而乃違條犯法製此壞風俗惑人心之具其罪尙可言乎嘗思賭博之風所以盛行者父兄爲之子弟見而倣之家主爲之奴僕在傍見而倣之甚至婦人女子亦沉溺其中而不以爲怪總因習此者多故從風而靡者眾也假若嚴行禁止使人不敢再犯則日積月累後生子弟無從而見卽無從而學此風自然止息無俟條教號令之煩矣凡地方大吏有司有化民成俗之責而乃悠悠忽忽視爲平常安辭溺職之咎

今特定本地官員勸懲之法以清其源嗣後拿獲賭博必窮究賭具之所由來其製造賭具之家果審明確有証據出於某縣將某縣知縣照溺職例革職知府革職留任督撫司道等官各降一級留任如本地有私造賭具之家而該縣能緝獲懲治者著加二級知府著加一級督撫司道等官著紀錄二次將此勸懲之法永著爲例於雍正庚戌年爲始著該督撫通行曉諭使城邑鄉村及遠陬僻壤咸使聞知特諭

諭富戶

雍正七年

上諭直省各處富戶其爲士民殷實者或由於祖父之積累或己身之經營操持儉約然後能致此饒裕此乃國

家之良民也其爲鄉紳有餘者非由於先世之留遺卽
己身之俸祿制節謹度始能成其家計此乃國家之良
吏也是以紳衿士庶中之家道殷實者實居五福之一
而爲國家所愛養保護之人則爾等本身安可不思孳
孳爲善以永保其身家乎夫保家之道若奢侈糜費固
非所以善守而慳吝刻薄亦非所以自全周禮以鄉三
物教萬民有曰孝友睦婣任卹可知公財行惠任卹之
義與孝友而並重者也蓋凡民之情賤者忌人之貴貧
者忌人之富彼窮乏之人旣游閑破耗自困其生又皆
不知己過轉懷忌於溫飽之家若富戶復以慳吝刻薄
爲心腹削侵牟與小民爭利在太平盛世年順穀成之

時固可相安從來遇荒歉之時貧民肆行搶奪先眾人
而受其害者皆爲富不仁之家也迨富家被害之後官
法究擬必將搶奪之貧民置之重典是富戶以歛財而
傾其家貧民以貪利而喪其命豈非兩失之道大可憫
惻者乎朕爲此勸導各富戶等平時當以體卹貧民爲
念凡鄰里佃戶之窮乏者或遇年穀歉收或值青黃不
接皆宜平情通融切勿坐視其困苦而不爲之援手如
此則富戶濟貧民之急貧民感富戶之情居常能緩急
相周有事可守望相助悻求之念旣忘親睦之心必篤
豈非富戶保家之善道乎從來國家一理若富戶能自
保其身家貧民知共衛夫富戶一鄉如此則一鄉永靖

一邑如此則一邑長寧是富戶之宣力於國也朕臨御以來屢經人條奏民間貧窮不均請行限田之法乃至逆賊曾靜私著謗書謂方今輕徭薄賦惟利於豪強兼併之家與貧民無涉非復行井田不能養贍百姓等語朕思此等怪謬支離之說乃理勢所萬不能行者夫天下富者一而貧者百以一人之有餘欲濟眾人之不足貧者未必便能成立而富戶無辜已受其摧殘矣此乃懷欲窮天下之賊論有此情理乎朕既知其必不可行若但令地方出示曉諭陽奉陰違朕實恥而不爲若以不能行之事委之於各省督撫以示德於貧民使之感朕意而以奉行不力之故歸怨於各督撫等又朕所不

忍爲者是以特頒諭旨告誡爾等富戶爲富戶者當知亡之得於天者甚厚常存濟人利物之心行救困扶危之事敦睦宗族周卹鄉鄰下逮佃戶傭工皆加惠養則人人感其德意即可消患於未萌況積善之家必有餘慶種福果於天地之間子孫必長享豐厚豈不善歟着各省督撫將朕此旨通行該屬之鄉紳士民人等共知之料朕赤子良民必不負朕期望之誠意也特諭

諭蠲免錢糧

雍正八年

上諭朕臨御萬方宵旰勤求惟以愛養斯民爲念數年以來除租減稅疊沛恩膏不但旱澇歉收之處蠲賑兼施卽該省年穀順成不須寬賦而朕欲使民力寬裕每加

格外之恩蓋國家經費既敷則藏富於民俾各家給而人足乃朕之至願也查各省錢糧朕特降諭旨蠲免者已多今次第舉行應及於江西湖北湖南三省著將辛亥年江西湖北湖南三省額徵錢糧各蠲免四十萬兩又念直隸乃畿輔首善之地應沛殊恩山東今歲被水之州縣稍多朕心深為軫念除二省澇溢地方已加意賑恤並將本年額賦照例蠲免外著將辛亥年直隸山東通省錢糧各蠲免四十萬兩以上五省共蠲正賦二百萬兩各該督撫敬謹奉行務令閭閻均沾實惠倘奉行稍有不善或被官吏侵漁或有衫棍包攬一經發覺必重治其罪並將大小官員嚴加議處特諭

論制科取士

雍正十一年

上諭國家以制科取士原以覘士子所學而士子所學關乎世道人心是文體之所係固重也士子讀聖賢書果能講求明體達用之學則以平日蘊蓄發為文章自然法正理純得聖賢語氣可以傳世而行遠作後學之津梁此則有本之學有用之文為國家所重賴者若不於根柢講求而但以華靡相尚則累牘連篇皆屬浮詞聖賢精義既全無發明聖賢語氣又毫不相肖國家亦安用此浮誇淺薄之士哉至於二三場策論尤足覘經濟實學乃向來士子多不留心而衡文者又每以經義已經入彀遂將策論濫收恕取不復加意閱看殊非設科

本意今會試伊邇著禮部先期曉諭應試士子於二三場文藝均應努力殫心毋得潦草完卷試官如以限於時日不能細心校閱後場不妨奏請展限務得真材以收實用若所取試卷中有經義可觀而策論疵謬荒疎者朕惟於主考官是問

諭立教

雍正十一年

上諭自古聖賢立教性理乃其本源學問經濟如一轍也必有明理見道之儒始有致遠經方之用在家則爲端人正士在國則爲良吏名臣風化所以日隆人材所由日盛也逮後世儒術不醇真偽雜出聰慧者專務吏材文藻以爲功名進身之階而迂拙之人文材俱無可觀

而又不肯自安於庸陋於是竊道學之虛名妄希稱譽甚且私立異譁交結黨援有玷儒修深爲國蠹致令當世厭聞道學之名此皆由伊等務名而不求其實之過也向年

聖祖

仁皇帝考試詞臣曾以理學真偽命題作論蓋深知其弊而指示訓誨冀人勉爲真理學以爲經濟之本也朕御極以來敦崇儒行首以正人心端風俗爲務比年來士習民風亦頗知奉法循理惟是學士大夫中究心理學之書以收明體達用之效者尙寥寥無人今年會試之期天下舉子四千七百餘人雲集京師朕特命通曉性理書之詞臣問以性理之學而應召者僅有數人且

亦不過涉獵文辭未能深窺義蘊則士子平日之不留
心理學可知矣朱子曾有言曰佛家之教卻是要自理
會所以他那下常有人自家這下自無人今世儒者能
守經者理會講解而已看史傳者計較利害而已何人
從自家身已做去不理會自身已說甚別人長短明道
曰已立後自能了當得天下萬物只是從程先生後不
再傳而已衰所以某常說自家這下無人朱子之言如
此朕觀古人之論理學必貴乎實心理會實力施行今
世之人竟置理學於不講尙望其專心理會舉而措之
事爲間哉常見世之貌爲理學者於聖賢體用之學全
未研究祇因不能高出於眾但服敝垢衣啖粗糲食排

詆釋道之教自命理學以爲欺世盜名之計及問以吾
儒性理義蘊又茫然一無所知理學之真僞卽此可見
若以詆謗釋道卽爲理學如回教西洋教皆理學矣理
學何如是之易爲哉夫佛仙之教以修身見性勸善去
惡捨貪除欲忍辱和光爲本若果能融會貫通實爲理
學之助彼世不知仙佛設教之意而復不知理學之本
源但強以闢佛老爲理學者皆未見顏色之論也朕願
天下之以儒爲業者各求其分之所當盡遜志黽勉以
求無忝於先儒用是特頒此旨通行訓諭若讀書服官
之人果然潛心正學誦法聖賢實踐躬行澄源端本下
爲鄉閭之矜式上爲朝廷之羽儀則先儒有薪傳正派

之遺徽國家收文章事業之實用朕心嘉悅必加禮重其共相勉勵以副朕之企望著該部行文內外各直省咸使聞知

諭舉薦博學鴻詞

雍正十一年

上諭國家聲教覃敷人文蔚起加恩科目樂育羣才彬彬乎盛矣朕惟博學鴻詞之科所以待卓越淹通之士俾之黼黻皇猷潤色鴻業膺著作之任備顧問之選

聖祖仁皇帝康熙十七年

特詔內外大臣薦舉博學鴻詞召試授職一時名儒碩彥多預其選得人號為極盛迄今數十年來館閣詞林儲才雖廣而宏通博雅淹貫古今者未嘗廣為搜羅以示

鼓勵自古文教修明之日必有瑰奇大雅之才况蒙

聖祖仁皇帝六十餘年壽考作人之盛涵濡教澤薄海從風

朕延攬維殷闢門籲俊敦崇實學諭旨屢頒宜有品行端醇文才優贍枕經薛史殫見洽聞足稱博學鴻詞之選所當特修曠典嘉與旁求除現任翰詹官員無庸再膺薦舉外其他已仕未仕之人在京著滿漢三品以上各舉所知彙送內閣在外著督撫會同該學政悉心體訪遴選考驗保題送部轉交內閣務期虛公詳慎搜拔真才朕將臨軒親試優加錄用廣示興賢之典茂昭稽古之榮應行事宜著大學士九卿會議具奏

諭好善樂輸分別獎勵

雍正十一年

吉安府志 卷首
上諭朕於直省地方偶遇災祲卽爲之寢食不寧蠲租發粟截漕平糶多方撫恤務使貧民無一夫不得其所又念各該地方雖或收成歉薄豈無蓋藏豐裕之家伊等誼篤桑梓休戚相關若各人量力樂輸旣可以展其睦姻任卹之情亦可以爲恤災扶困之助是以曾經降旨通行勸導然亦聽紳衿士庶自爲之不相強也近聞直省地方捐貲周急好善樂施者頗不乏人此誠鄉鄰風俗之美亦人心古處之一驗也此等良善之人應加恩澤以示褒嘉著該督撫留心體察秉公確訪其捐助多者著具題奏請議敘少者亦著地方大吏給與匾額並登記櫛冊免其差徭以昭朕與人同善之至意

諭養民求實濟

雍正十三年

上諭從來帝王撫育區夏之道惟在教養兩端蓋天生民而立之君原以代天地左右斯民廣其懷保人君一身實億兆羣生所託命也書稱正德利用厚生惟和又云惟土物愛厥心臧蓋恒產恒心相爲維繫倉廩實而知禮義理所固然則夫教民之道必先之以養民惟期順天因地養欲給求俾黎民飽食煖衣太平有象民心自順民生優裕民質自馴返樸還淳之俗可致庠序孝弟之教可興禮義廉恥之行可敦也我朝

列聖敬

天勤民垂統萬世

皇祖聖祖仁皇帝六十餘年久道化成重熙累洽所以惠養
 元元禮陶樂淑者至周至備惟是國家承平日久生齒
 日繁在京八旗及各省人民滋生蕃衍而地不加廣此
 民用所以難充民產所以難制也我

皇考宵旰孜孜勤求治理惟恐一夫不獲其所重農貴粟之
 教屢頒撫循蠲賑之惠頻下南北之營田水利無不興
 修內外之開墾種植無不綜理凡此實政實心一以誠
 敬貫徹始終十三年有如一曰皆朕所親承目覩拳拳
 服膺者也朕生長深宮瞻依

皇考慈顏惟知承歡膝下懋學書齋即如日用飲食之需悉
 由

恩賜豐贍饒裕不煩問所從來此固

皇考昊天罔極之恩難以名言而為君之難亦惟身履其地

者然後知聖人之言為至當也今朕繼承大統身為人

主衣租食稅則自今伊始一絲一粟皆四海小民所經

營供御者矣朕思飲饌被服皆出自海內脂膏宮室器

用皆取自閭閻拮据尚安忍少有糜費侈用之心以傷

民力而耗民財乎又安忍已垂裳而聽天下之民有寒

不得衣已玉食而聽天下之民有饑不得食者乎禹思

天下有溺者由已溺之稷思天下有飢者由已飢之自

古聖君賢臣自任之重者皆動於至誠迫於至理有萬

不容已者也朕日夜兢兢時履本固邦寧之至慮以

皇考之實心為心以日夕憂勤本固時定之基以
皇考之實政為政凡供膳品味之類無所加增衣服器用之
屬無所濫費官室苑囿之區無所改營爰賴中外諸臣
共體朕心以成朕志於民生日用所由阜成民生樂利
所由豐豫之處在在求其實濟事事謀其久遠勿以虛
文而澤不下逮勿以小利而計不圖全勿作無益以害
有益勿賤民生以厚己生果能恒產有資將見恒心自
啟我

皇考聖訓所謂三代之治必可復堯舜之道必可行者庶能
繼述萬一此朕中心乾惕之誠並非因即位之初為此
邀譽近名之語以博天下臣民之感頌朕心務求實效

豈肯徒託空言但天下至大兆民至眾非朕一人所能
獨理內而閣部八旂大臣外而督撫藩臬有司均受國
家深恩有惠養斯民之責者當共思黽勉崇儉戒奢視
國事如家事以民身為己身痛癢一體休戚相關各殫
誠心期登斯民於衽席則賞功酬庸之典朕必從優舉
行若苟且因循視同膜外律以溺職更復何辭勉之勉
之特諭欽此

諭書生書氣好人非參奏斥人之言 雍正十三年

上諭朕閱督撫奏屬員及題請改教本章每有書生不
能勝任及書氣未除等語夫讀書所以致用九修已治
人之道事君居官之理備載於書故傳說之告其君曰

學于古訓乃有獲又曰念終始典于學成王訓其臣曰
學古入官議事以制政乃不迷又曰不學牆面蒞事惟
煩人不知書則偏陂以宅衷操切以處事生心害政有
不可救藥者若州縣官果足以當書生二字則以易直
子諒之心行寬和惠愛之政任一邑則一邑受其福任
一郡則一郡蒙其休朕惟恐人不足當書生之稱而安
得以書生相戒乎若以書生爲戒朕自幼讀書宮中講
誦二十年未嘗少輟實一書生也王大臣爲朕所倚任
朝夕左右者亦皆書生也若指屬員之迂謬疎庸者爲
書生以相詬病則未知此正伊不知書所致而書豈任
其咎哉至於書氣二字尤可寶貴果能讀書沉浸醞釀

而有書氣更集義以充之便是浩然之氣人無書氣卽
爲粗俗氣市井氣而不可列於士大夫之林矣是書氣
正宜從容涵養以善培之安可勸之使除而反以未除
者爲病乎且朕聞外間斥人之短每云伊欲做好人朱
子云學者通病在思作貴人而不思作好人人果欲做
好人行好事則甚有益於民生有益於國事造福無窮
若以好人爲戒不幾相率而拂人之性乎凡此皆係識
見粗鄙不知治體不明大義之言朕今姑發其蔽而教
戒之當各翻然思悔特諭欽此

諭民間喪葬不許聚飲演戲扮劇

雍正十三年

上諭朕聞外省百姓有生計稍裕之家每遇喪葬之事多

務虛文侈靡過費其甚者至於招集親朋隣族開筵劇
飲謂之開喪且有於停喪處所連日演戲而舉殯之時
又復在途扮演襍劇戲具者從來事親之道生事死祭
皆必以禮得爲而不爲與不得爲而爲之者均爲不孝
是知各循其分乃能各盡其孝而初不在以奢靡相尙
也況當哀痛迫切之時而顧聚集親朋飲酒演劇相習
成風恬不知怪非惟於理不合抑亦於情何忍此甚有
關於風俗人心不可不嚴行禁止着各省督撫等通行
明切曉諭嗣後民間遇有喪葬之事不許仍習陋風聚
飲演戲以及扮演襍劇等類違者按律究處務在實力
奉行毋得姑爲寬縱特諭欽此

諭士大夫終喪不得嫁娶

雍正十三年

上諭朕聞吉凶異道不得相干故娶在三年之外而聘在
三年之內者春秋猶以爲非禮記稱大功之末可以冠
子可以嫁子父小功之末可以娶婦已雖小功既卒哭
可以冠娶妻三年之喪創深痛鉅苟有人心者必宜於
此焉變矣乃愚民不知禮教起於皂隸編氓之家有慮
服喪之後不得嫁娶乘父母疾篤及殯殮未終而成婚
者其後商賈中家多有士大夫亦間爲之而八旂效之
朕實憫焉自今伊始自齒朝之士下逮門內有生監者
三年之喪終喪不得嫁娶違者奪爵褫服其極貧皂隸
編氓父母臥疾呻吟牀褥必賴子婦以供薪水治喪殮

者聽其迎娶盥饋俟疾愈喪畢而後成婚古者禮不下庶人其斯之謂歟曾子問親迎女在途而壻之父母死女改服布深衣縗紵以趨喪亦此義也其商賈中家不必以士大夫之禮繩之然人性皆善朕知其必有觀感興起而不忍自同於氓隸者矣特諭欽此

諭飭愛民

雍正十三年

上諭朕聞之元后作民父母朕實代

天以子民督撫大臣又代朕以子民均有父母斯民之任者也為政之道莫切於愛民其餘一切察吏理財刑禁暴特教養中之餘事其本總歸於愛民而已天以愛民之職畀朕天下之民皆以朕為必能愛民而民或失其

所民其何望朕以愛民之事分寄督撫大臣亦以督撫大臣為必能愛民而民或失所朕更何望督撫大臣之不能體朕心以宣德意即朕之不能答

天心以恤民依也爾督撫能知愛民之為稱職始不負朕委任之心若錢糧不敢侵欺請託不敢假借弊竇不容毫髮羨餘不隱分釐此不過一端一事之才能以矯飾夫外貌又安足以副封疆重寄哉夫朕一人之心思不能周知天下之利弊故有賴於督撫督撫一人之耳目不能徧悉地方之情形故有資於良有司是在有司之各愛其民而乃藉督撫之倡率鼓勵之耳設督撫之於有司舉劾不當棄取失宜其害不在於有司仍在於百姓

彼有司中之實心惠民不規小效所爲安靜之吏悃幅無華日計不足月計有餘者督撫將毋以爲迂拙而罷之至於以苛爲察以刻爲明以輕爲德以重爲威此皆拂人性逆人情者督撫將毋以爲幹濟而舉之如此則吾民失其所依怙朕何賴焉蓋治天下者在於治天下之人心使民氣和暢民情豫順快然知有井里之爲安恬然知有室家之可樂斯爲無象之太平閭閻實彼其澤此爲直省中息事寧人安全休養道在乎優游馴致而非可取必於旦夕間也朕每於諸王大臣及督撫大吏經理庶績必寬之歲時無事乎督責之嚴程期之迫誠以欲速則不達久道乃化成也況郡縣長吏其才力

遠不逮於諸大臣欲以責效數月期年間此中萬無速化之理亦惟有迎合意旨塗飾觀聽冀以博才能之名登報最之牘而民不堪命矣夫移風易俗者邳隆之上理也然必漸民以仁摩民以義使民日遷善而不自知倘爲督撫者一有移風易俗之見存之於心宣之於口朕知其不但不能移易乎風俗而風俗且受其弊何者彼不知因民之道而日事驅民之術勢必更張成法煩擾地方爲我民之苦他如獻祥瑞報羨餘匿水旱奏開墾改土歸流更隸州縣所云揆之人事則悅耳論之陰陽則傷化其不以此也歟卽據河南一省論之田文鏡匿報灾荒於前王士俊浮報墾田於後小民其何以堪

各省督撫大吏其尚自省其有不務實心實政而邀近功小利者必滌慮洗心董率屬僚與其天良以為民勸務底悖大成裕之治特諭欽此

諭化導縉紳節儉

乾隆元年

上諭厚生之道在於務本而節用節用之道在於崇實而去華朕聞晉豫民俗多從儉樸而戶有蓋藏惟江蘇兩浙之地俗尚侈靡往往家無斗儲而被服必期華鮮飲食靡甘澹泊兼之井里之間茶坊酒肆星列碁置少年無知遊蕩失業彼處地狹民稠方以衣食難克為慮何堪習俗如此民生安得不愈艱難朕軫念黎元期其富庶已將歷年各項積欠盡數蠲除小民乘此手足寬然

之時正當各勤職業尚樸去奢以防匱乏豈可習於侈靡轉相倣效日甚一日積為風俗之憂也地方大吏及守令有臨民之責者皆當遍行化導宣朕德音縉紳之家宜躬行節儉以率先之布帛可安不必文綺也粗糲可食不必珍羞也物力可惜毋滋浪費終身宜計毋快目前以儉素相先以撙節相尚必能漸返澹樸改去積習庶幾唐魏之風焉又聞吳下風俗篤信師巫病不求醫惟勤禱賽中產以不每至破家病者未必獲痊生者已至坐困愚民習而不悔尤屬可憫地方官亦當曲加訓誨告以淫祀無福嚴禁師巫勿令蠱惑亦保民之一端也凡此皆不用嚴峻迫切立法繁苛反致擾民惟誠

心訓諭寬以歲月自應遷善而不自知朕保民念切不憚諄切言之官吏士民其皆敬聽毋忽特諭欽此

諭培植書院生徒乾隆元年

上諭書院之制所以導進人材廣學校所不及我

世宗憲皇帝命設之省會發帑金以資膏火恩意至渥也古者鄉學之秀始升於國然其時諸侯之國皆有學今府州縣學並建而無遞升之法國子監雖設於京師而道里遼遠四方之士不能胥會則書院即古侯國之學也居講席者固宜老成宿望而從遊之士亦必立品勤學爭自濯磨俾相觀而善庶人材成就足備朝廷任使不負教育之意若僅攻舉業已為儒者末務況藉為聲氣

之資游揚之具內無益於身心外無裨於民物即降而求文章成名足希古之立言者亦不多得寧養士之初旨耶該部即行文各省督撫學政凡書院之長必選經明行修足為多士模範者以禮聘請負笈生徒必擇鄉里秀異沉潛學問者肄業其中其恃才放誕佻達不羈之士不得濫入書院中酌倣朱子白鹿洞規條立之儀節以檢束其身心倣分年讀書法予之程課使貫通乎經史有不率教者則擯斥勿留學臣三年任滿諮訪考核如果教術可觀人材興起各加獎勵六年之後著有成效奏請酌量議敘諸生中材器尤異者准令薦舉一二以示鼓舞特諭欽此

論勸民墾種

乾隆二年

上諭昔者虞廷咨牧食哉惟時而百揆奮庸之後卽命棄以播時百穀禮樂兵刑皆在所後良以食爲民天一夫不耕或受之饑一女不織或受之寒而耕九餘三雖遇荒年民無菜色今天下土地不爲不廣民人不爲不眾以今之民耕今之地使皆盡力焉則儲蓄有備水旱無虞乃民之逐末者多而地之棄置者亦或有之縱云從事耕耘而黍高稻下之宜水耨火耕之異南人尙多不諳北人率置不講此非牧民者之責抑誰之責歟今之督撫於地方命盜等案或官方吏治兵制夷情能盡其心者有之其以身爲之倡課百姓以農桑本務者誰耶

得毋與虞廷命官之意相左乎朕欲驅天下之民皆盡力南畝而其責則在督撫牧令必先身化導毋欲速以不達毋繁擾而滋事將使逐末者漸少奢靡者知戒蓄積者知勸督撫以此定牧令之短長朕卽以此課督撫之優劣至北五省之民於耕耘之術更爲疎畧是以一穀不登卽資賑濟斯豈久安長治之道其應如何勸戒百姓或延訪南人之習農者以教導之牧令有能勸民墾種一歲得穀若何三歲所儲若何視其多寡爲激勸非奇貪異酷極昏極庸者毋輕率劾去使久於其任則與民相親而勸課有成將見俗返醇樸家有蓋藏然後禮樂刑政之教可漸以講著該部卽會同九卿詳悉定

議以聞特諭欽此

御製訓飭大學士子文乾隆五年

士為四民之首而大學者教化所先四方於是觀型焉
 此者聚生徒而教育之董以師儒舉古人之成法規條
 亦既詳備矣獨是科名聲利之習深人人心積重難返
 士子所為汲汲皇皇者惟是之求而未嘗有志於聖賢
 之道不知國家以經義取士使多士由聖賢之言體聖
 賢之心正欲使之為聖賢之徒而豈沾沾焉文藝之末
 哉朱子同安縣諭學者云學以為己今之世父所以詔
 其子兄所以勉其弟師所以教其弟子弟子之所以學
 舍科舉之業則無為也使古人之學止於如此則凡可

以得志於科舉斯已爾所以孜孜焉愛日不倦以至於
 死而後已者果何為而然哉今之士惟不知此以為苟
 足以應有司之求矣則無事乎汲汲為也是以至於惰
 遊而不知返終身不能有志於學而君子以為非士之
 罪也使教素明於上而學素講於下則士者固將有以
 用其力而豈有不勉之患哉諸君苟能致思於科舉之
 外而知古人之所以為學則將有欲罷不能者矣觀朱
 子此言洵古今通患夫為己二字乃入聖之門知為己
 則所讀之書一一有益於身心而日用事物之間存養
 省察闢然自修世俗之紛華靡麗無足動念何患詞章
 聲譽之能奪志哉况即為科舉亦無碍於聖賢之學朱

子云非是科舉累人人累科舉若高見遠識之士讀聖賢之書據吾所見爲文以應之得失置之度外雖日日應舉亦不累也居今之世雖孔子復生也不免應舉然豈能累孔子也朱子此言卽是科舉中爲己之學誠能爲己則四書五經皆聖賢之精蘊體而行之爲聖賢而有餘不能爲己則雖舉經義治事而督課之亦糟粕陳言無裨實用浮僞與時文等爾故學者莫先於辨志志於爲己者聖賢之徒也志於科名者世俗之陋也國家養育人材將用以致君澤民治國平天下而囿於積習不能奮然求至於聖賢豈不謬哉朕膺君師之任有厚望於諸生適讀朱子書見其言切中士習流弊故親切

爲諸生言之俾司教者知所以教而學者知所以學

諭每歲奏明民數穀數

乾隆五年

上諭周官之法歲祭司民司祿而獻民數穀數於王王拜受之登於天府非獨家宰據之以制國用之通凡授田與勸墾急平輿以及歲有災祲移民通財薄徵散利皆必於民數穀數若燭照數計而後可斟酌調劑焉秦漢以降戶口之數雖間見於史冊而其文甚畧惟唐貞觀之初定口分世業之法比歲登籍三年獻書以養以教致治之盛幾於成康固用此爲根柢也在昔

聖

祖仁皇帝以生齒日繁恐有司慮加丁賦匿不及聞特詔據實開載新增人戶不另加丁賦

世宗憲皇帝勤恤民隱廣儲倉穀常懼一夫不得其所德意至爲周渥然各省督撫雖有五年編審之規州縣常平倉雖有歲終稽核之法而奉行者僅亦於登耗散斂之間循職式之舊殊不知政治之施設實本於此其自今以後每歲仲冬該督撫將各州縣戶口減增倉數存用一一詳悉具摺奏聞朕朝夕披覽心知其數則小民平且所以生養及水旱凶饑可以通計熟籌而預爲之備各省具奏戶口數目著以編審後舉行其如何定議令各省畫一遵行著該部議奏又僧道亦窮民之一朕不忍概從沙汰故復行頒給度牒使有所覈查今禮部頒發牒照已三十餘萬張而各省繳到者尚少是或仍事

因循僅奉行故事則甚非朕所以禁游惰勸力作之本意矣著各該督撫留意善爲經理並著以歲終將所減實數具摺奏聞欽此

訓飭廣訓孝弟

乾隆五年

上諭從來爲治之道不外教養兩端然必衣食足而後禮義興故論治者往往先養後教朕御極以來日爲斯民籌衣食之源水旱之備所期溥海蒸黎益藏充裕俯仰有資以爲施教之地而鮮愠阜財之效尙未克副朕懷第思維皇降衷有物有則衣食以養其形教化以復其性二者相枝而不相妨不容偏廢正如爲學之道知先行後然知行並進非劃然兩端判然兩事又安得謂養

之之道未裕遂可置教化爲緩圖也今學校徧天下山
陬海澨之人無不挾詩書而游庠序顧學徒以文藝弋
科名官司以課試爲職業於學問根本切實用功所在
概未暇及司牧者盡心於簿書筐篋或進諸生而譚文
藝則以爲作養人材振興文教其於閭閻小民則謂是
蚩蚩者不足與興教化平時不加訓迪及陷於罪則執
法以繩之無怪乎習俗之不淳而詬誶澆凌之不能禁
止也朱子云聖人教人大概只是說孝弟忠信日用常
行底語人能就上面做將去則心之放者自收性之昏
者自著此言深探立教本源至爲切實蓋心性雖民之
秉彝而心爲物誘則放性爲欲累則昏存心養性非知

道者不足與幾若夫事親從兄則家庭日用人人共由
孩提知愛少長知敬又人人同具不待勉強要之堯舜
之道不外乎是卽如得一食必先以食父母得一衣必
先以衣父母此卽是孝能推是心而凡所以順其親者
無不至則爲孝子父之齒隨行兄之齒鴈行此卽是悌
能推是心而凡所以敬其長者無不至則爲悌弟一人
如此人人從而效焉一家如此一鄉從而效焉則爲善
俗孟子曰人倫明於上小民親於下又曰人人親其親
長其長而天下平由是道也惟在上者不爲之提撕警
覺則習而不察而一時之明不勝夫積習之漸染重昏
蔽錮日入於禽獸而不自知任君師之責者奚忍不亟

爲之重申而切諭之也我

聖祖仁皇帝頒

聖諭以教士民首崇孝弟

皇考世宗憲皇帝衍爲廣訓徃復周詳已無遺蘊但朔望宜講祇屬具文口耳傳述未能領會不知國家教人字字要人躬行實踐樸實做去人倫日用正是聖賢學問至切要處堯舜之世比戶可封只是能盡孝弟做僻邪侈觸蹈法網只爲不知孝弟詎曰將爲善思貽父母令名必果將爲不善思貽父母惡名必不果誠能如此存心豈復有縱欲妄行之事苟不從此處切實做起雖誦讀詩書高設性命直謂之不學可耳凡有牧民課士之責

者隨時隨事切實訓誨有一時之近於孝弟則從而獎勵之一事之近於不孝不弟則從而懲戒之平時則爲之開導遇事則爲之剖晰如此則親切而易入將見父詔兄勉日積月累天良勃發率其良知良能以充孝弟之實藹然有恩秩然有義豫順積於家庭太和翔於宇宙親遜成風必從此始凡吾赤子其敬聽諸凡厥司牧其敬奉諸欽此

諭採訪遺編著述

乾隆六年

上諭從古右文之治務訪遺編目今內府藏書已稱大備但近世以來著述日繁如元明諸賢以及國朝儒學研究六經闡明性理潛心正學醇粹無疵者當不乏人雖

業在名山而未登天府著直省督撫學政留心採訪不
拘刻本抄本隨時進呈以廣石渠天祿之儲欽此

諭禁游惰

乾隆六年

上諭朕惟士農工商各有恒業衣食由此而裕教化由此
而行惟游惰之民實為閭閻之蠹我國家昇平休養生
齒滋繁而游惰亦以日衆此等之人性好佚游習成驕
恣不畏刑憲罔恤鄉評酒席流連拳勇是尙黠桀者為
豪為俠柔狡者為詐為奸大凡鄉曲之中其誘民以侈
靡沉湎者游惰也誘民以博奕鬪訟者游惰也誘民以
作奸犯科者游惰也愚懦無知轉相慕效往往棄本業
而從之戕生敗家比比而是甚至如近年逆苗蠢動皆

由內地游手奸徒幸災樂禍或啗以財帛或誣以鬼神
煽惑愚頑遠近要結蜂屯蟻聚致生事端遂不得不用
兵勦捕正孟子所謂無恒產而無恒心放僻邪侈無所
不為者朕撫育羣黎深念正德厚生之要勸農敦本訓
飭不啻再三上年因游惰之民不務生計曾特頒諭旨
令各督撫董率該地方官實力稽查多方化導責令父
兄族黨嚴加管束不遵訓約者加以懲治邇來留心體
訪有司並未實心奉行夫養稂莠者傷禾稼惠奸宄者
賊善良游惰者奸宄之源也當其游惰而董教之懲戒
之使悟而知返則可納於善良若聽其游惰而不早為
之所是縱之使為奸宄也父母斯民之義何居現今保

甲之法在在舉行稽查甚易而一切視為具文置之膜外尚安望其阜財求而興禮讓也哉地方有司有不實心整飭化導仍前怠玩者朕必於該督撫是問欽此

諭甄別教官

乾隆六年

上諭古者黨有庠術有序民生八歲入小學十五入大學不獨秀而為士者羣居樂業天下實無不教之民是以教化興而風俗厚後世設立教官尚以課士已非先王有教無類之意而近來教職多係衰老庸劣之輩不但不能以道德禮義化導齊民並其課士之職亦不克舉則安用此官為也朕御極之初念其俸薄不足自贍特命增給乃望其修舉職業助興教化非以廩餼為養老

之具各員亦不當以司鐸為養老之官也著督撫會同學政嚴飭所屬教官務以實心實力勸學興文恪盡課士之責其有年力衰頹貪戀祿位及庸劣無能不稱師儒之席者秉公甄別咨部罷斥庶訓迪得人而於造士育材之道庶幾其有裨益各督撫學政仍當時刻留心永久奉行不可苟且塞責也欽此

諭常平倉穀變通

乾隆七年

上諭各省常平倉穀原以備民間緩急之需舊例存七糶三者乃出陳易新以防霉變指尋常無事時而言也若遇地方米少價昂之時則當多糶以濟民食毋得拘泥成例從前已屢經降旨本年二月間又復申諭各督撫

矣今許容奏稱今青黃不接糧價增長各州縣內詳報市米稀少平糶倉穀已符額數等語此言實屬不經是湖南有司並未領會朕旨也國家儲蓄倉糧專為接濟百姓而設若民間米穀充裕即三七之數亦可不需如粟少價昂則安得以存七糶三目為額數今許容所轄一省如此錯誤或他省有似此者亦未可定可即通行傳諭知之欽此

諭為民籌經久優裕之法

乾隆七年

上諭周禮大宰以九職任萬民一曰三農生九穀二曰園圃毓草木三曰虞衡作山澤之材四曰藪牧養蕃鳥獸其為天下萬世籌贍足之計者不獨以農事為先務而

兼修園圃虞衡藪牧之政故因地之利任圃以樹事任牧以畜事任衡以山事任虞以澤事使山林川澤邱陵之民得高山林川澤邱陵之利夫制田里教樹畜岐周之善政管敬仲亦云積於不涸之倉者務五穀也藏於不竭之府者養桑麻育六畜也如果園圃虞衡藪牧之職以次修舉於民生日用不無裨益國家承平日久生齒日繁凡資生養贍之源不可不為亟講夫小民趨利如鶩亦豈甘為惰窳舉山林川澤天地自然之利委為棄壤哉良以疏闢之初豪強既羣起而爭管業之後奸民又多方戕賊地方有司每視為資產細故不為申理此所以寧荒其業耳督撫大吏身任地方所當因地制

宜及時經理其已經開墾成熟者加意保護或荒墟榛
壤以及積水所滙有可疏闢者多方相度籌畫俾地無
遺利民無餘力以成經久優裕之良法至於竭澤焚林
並山澤樹畜一切侵盜等事應行禁飭申理之處轉飭
地方官實力奉行該督撫不時稽察務令從容辦理以
期實效毋致絲毫滋擾尤毋得日久因循以仰副朕惠
養斯民之至意欽此

諭刑罰貴乎持平不得寬嚴失當

乾隆七年

上諭明罰勅法貴乎持平過於寬則失之縱過於嚴則失
之刻俱非明允之道今年朝審秋審情實案件因兩年
停刑是以勾決者較往時爲多此皆九卿公同議定之

成讞朕於刑部進招冊之後逐加詳閱及勾到時又與
大學士刑部堂官等再三推究凡有一線可生者姑且
從緩必求其生而不得然後置之於法在朕心惟期至
當至平並非有意從嚴而如此辦理也但恐外省督撫
揣摩觀望之習不能盡除見今年勾決之人稍多遂妄
臆朕意在嚴凡承辦刑獄之事相率而趨於刻覈則大
違朕之本懷若見此諭或又以朕意在寬相率而流於
姑息則更非明允之道於明刑弼教之訓大相逕庭矣
今日給事中倪國璉所奏與朕意相合特頒此旨諭各
省督撫等知之倪國璉摺并發欽此

訓飭教養

乾隆八年

吉安府志

卷首

五

上諭國家子惠黎元教養由來並重朕君臨天下宵旰維
勤重農桑輕徭賦所以養民者惟恐不周至於正人心
厚風俗皆國之大務尤所時屢於懷者凡中外臣工莫
不諳切誠諭務使民間習尚馴良訟獄衰息以漸臻風
移俗易之效乃數年以來民風仍未還醕習俗每輕犯
法豈小民之不可矧廸歎抑牧令之教化不浹而德意
未孚也古者朝廷之政象魏懸書閭里之教月吉讀法
三物六行非徒具文我

聖祖仁皇帝聖諭十六條飭紀敦倫型方正俗精義超越前
古

世宗憲皇帝萬言廣訓益加詳明剴切開導所以牖民覺世

者至矣使地方有司竭誠宣布雖甚愚頑誰無天性亦
必洗心滌慮革薄從忠駸駸於上理無如實力奉行若
甚少卽朔望宜講不過在城一隅附近居民聚集觀聽
者僅數十百人而各鄉鎮間有講約之所亦多日久廢
弛全無實際至所奉諭旨有關於教民者亦惟張掛告
示視爲通行之常例焉能使之悅耳革心翻然悔悟是
以尙氣輕生狃於性成作奸犯科常爲俗染及其怙終
不悛而刑罰隨其後朕甚憫之夫守令者民之父母古
所稱忠信之長慈惠之師惟本至誠惻怛之意以感動
愚民使之各自警省又能隨時隨事委曲勸誘諒無不
可化誨之人亦無徃而非敷教之地卽聽訟一端兩造

其在隣佑親族齊集公庭正百姓耳目所屬推誠曉諭最易提撕不徒現犯者各自愧悔並使旁觀者亦因此傳播交相勸勉若公事稍暇或講讀編審或勸課農桑即可單車簡從親歷鄉村遇父老子弟獎其善良懲其不率申之以勸誠示之以榮辱循謹者益加鼓舞卽強悍者亦知戒懲漸摩日久性情和順貪利好勝之心不作而一道同風之盛可幾矣惟是百姓以守令之行事爲觀感守令以督撫之意指爲從違爲督撫者果能董率所屬留心化導實力奉行日計不足月計有餘斷未有爲其事而無其功者若徒視爲虛文接到諭旨轉行牌示遂以爲已經遵奉則亦何益之有各省督撫等受

朕深恩畀以封疆重寄尙其儆惕黽勉以無負朕諄諄誥誡之至意欽此

諭實心化導共啟本計

乾隆八年

上諭朕惟養民之本莫要於務農州縣考成固應用是爲殿最而向來功令不專以此課吏者因其事甚樸無可炫長其迹似迂驟難見效又或上官之察勘難周有司之條教易飾不似催科聽斷捕盜等事之顯而有據也督撫察吏每於此等本計轉視爲老生常談漠焉不甚加意以致州縣之吏趨承風旨專以簿書期會爲先而農事反居其後職司民牧之謂何不知爲治之道本舉而末自隨之如果南畝西疇人無餘力於耜舉趾日無

暇時則心志自多澹樸風俗自鮮囂凌人知急公而閭閻無待追呼矣人知畏法而盜賊因以浸息矣本計既端末事亦次第就理如此則州縣之考成似疎而實密卽督撫之察核可簡而不煩日計不足月計有餘民生大有裨益卽治道亦漸致邅隆若夫朝令夕申意非不美束縛馳驟適以擾民爲督撫者當善體朕意毋視爲具文毋事於塗飾誠以實心化導其屬俾屬吏亦以實力勸課其民庶幾民無游惰之風家有蓋藏之樂朕以此訓示督撫業已至再至三不啻耳提面命今復降此諭實願與天下共散本計故不厭其言之重而詞之複也各省督撫其共勉之欽此

諭
聖飭吏治

乾隆八年

上諭朕君臨天下勤求治理小民生養之源無日不爲深計而勸諭之術尤在久道化成是在督撫諸臣董率羣吏日就月將實用其心於興化致治之要以駸駸於上理非徒奉文守法循分苟安遂謂無忝厥職也朕聞雅爾圖之在河南官署鞠爲茂草許容之在湖南至以文書廢紙糊牕此卽鄭樵所謂以官爲傳舍醉濃飽鮮笑與秩終而已雅爾圖許容尙稱勤於職事者而猶有此則推而至於他省等而至於州縣其在官無異一驛耳古之人臣處官事如家事試問今之爲官者其料理家務果肯若此之草率簡陋漫不經心乎此雖細務可見

其心不在官欲望其曲體民情而代謀家室此必不可得之數也張九齡云縣得良宰萬戶息肩州有賢牧千里解帶蓋吏數變易則下不安業久於其任則民服教化若當官而存苟且之心將百事皆從廢弛矣漢時治尚循良璽書勅勵增秩賜金以儲公輔之用意在久任以安民也雖朝廷用人量才審器必酌人地之宜自不能一無更調而欲吏與民相接俾氣協而情通究以久任爲常法居是職者暫不戀久卽一日而爲數十年之計久不生倦數十年仍當如一日之心則訓俗型方自必視爲切己事也今親民之官不至苞苴肆行亦多兢兢職守然僅惕於功令以遏其貪饕迫於考成以策其

勤敏簿書期會之外豈真有以民心之瀆薄而爲念者歟此閭閻之所以不盡馴良而化導之未治也夫身膺民社卽爲其父母師保官之視民如子弟則民之視官若父兄官民同其休戚而情意相浹斯叩之而卽應感之而易從今之州縣於黎元之身家性習視同膜外平時不相聯屬而誠諭俱屬具文澆漓溺於其心凌競狂於所習此則所謂錮疾外視若無所苦而病隱中於本根愈久則治之甚難誠不可不急爲究心者試思身爲牧令若但司簿領事承接則一書吏之能事何以官爲若韓延壽閉閣思過而民自悔悟吳祐以身率下而民不忍欺是民非無良權實操之在上惟教深於隱微故

其樹績益顯爲督撫者果以此爲課最使有司提撕儆
覺百姓觀摩漸漬日計不足月計有餘將見官與民相
習情與事相通一氣感孚不致扞格於以興教化而移
風俗無難也倘任其波流無以發其孝悌廉讓之至性
豈能使之奉長吏之命而羣然率從乎朕聞駟馬不馴
御者之過也百姓不治有司之過也有司與民漠不相
關咎在督撫督撫不能使有司化誨其民咎卽在朕今
更多玩愒而風不古若朕實愧之國家承平日久治具
畢張雖久道化成未易驟至而整吏治以戒因循正人
心以除積習凡有蒞民之責者皆當審時務之急先思
致治根本而加之意焉其各遵奉毋忽特諭欽此

諭蠲免錢糧

乾隆
十年

上諭我朝

列聖相承深仁厚澤無時不加意培養元元以期家給人足
百年以來薄海內外物阜民康共享昇平之福朕臨御
天下十年於茲撫育蒸黎民依念切躬行儉約薄賦輕
徭孜孜於保治之謨不敢稍有暇逸常守節用愛人之
訓凡以爲民也今寰宇敕寧旣鮮糜費之端亦無兵役
之耗所有解部錢糧原爲八旂官兵及京員俸餉之所
需計其所給較之宋時養兵之費猶不及十之一二至
於各處工程爲利民之舉者取給於存公銀兩卽朕偶
有巡幸賞賚所頒亦屬無幾是以左藏尙有餘積數年

來直省偶有水旱朕加恩賑濟多在常格之外如上年江南被水撫綏安插計費帑金千餘萬兩凡此皆因災傷補救而沛恩澤者朕思海宇乂安民氣和樂持盈保泰莫先於足民況天下之財止有此數不聚於上卽散於下仰惟我

皇祖在位六十一年蠲租賜復之詔史不絕書又曾特頒恩旨將天下錢糧普免一次我

皇考旰食宵衣勤求民瘼無日不下減賦寬征之令如甘肅一省正賦全行豁免者十有餘年此中外所共知者朕以繼志述事之心際重熙累洽之候欲使海陲山陬一民一物無不均沾大澤爲是特降諭旨將乾隆丙寅年

直省應征錢糧通行蠲免其如何辦理之處著大學士會同該部卽速定議具奏欽此

諭各省錢糧普免之年耗羨緩征

乾隆十一年

上諭朕愛育黎元格外加恩將各省錢糧普免一次以爲休養萬民之計經大臣等酌議國家每年一定之經費皆取資於正賦應將各省分作三年蠲免則經費有賴而先後之間萬民均沾膏澤至於耗羨乃有司養廉及辦理公務之所必需應令照舊輸納朕已允行今思朕之逾格蠲免天下正賦者所以藏富於民且使閭閻之間終歲不聞催科之聲也今正賦旣蠲而耗羨又令完納是官民仍有交關猶不免有追呼之擾若將蠲賦之

年應征耗羨一併緩至開征之年按數完納使小民於
交官之便完此此須不必兩次伺候於公庭亦體恤民
情之意著該部即遵諭行並將公用不敷之處作何撥
抵酌議辦理各省督撫當董率有司善為之勿因此又
別生弊端也欽此

諭分年蠲免漕糧

乾隆三十一

上諭朕統御萬方孜孜求治惟以愛育黎元為念自御極
以來蠲賜所逮不下千億萬乾隆十年曾恭依

皇祖普免直省錢糧恩例蠲除天下額徵正賦二千八百萬
有奇期斯民家給人足咸臻樂利惟歲運漕米向以供
給俸餉廩糈之用非水旱特蠲例不普免夫入政以食

為先閭閻益瘼尤資饒裕恭閱

皇祖實錄康熙三十年

特頒恩旨將各省起運漕糧通行蠲免一週大澤均沾慶逾
常格仰惟

皇祖沖齡踐祚臨御之三十年春秋未及四十朕年二十有

五始登大寶膺禋受祉迄今亦閱三十年際重熙累洽
之會必世昌期均符泰運其為慶幸倍深茲荷蒙

上天眷佑

列祖鴻庥區夏謐寧疆宇式闡北庭西域二萬餘里咸隸版
圖外有耕屯之獲內無餽餉之勞且連歲年穀順成庶
物豐殖京通倉貯僅有餘粟

天既誕貽樂歲惠洽昇平朕自當仰體
天心以推恩黎庶是用敬承

嘉貺懋繼

前謨使薄海億兆並裕倉箱之慶所有湖廣江西浙江江蘇
安徽河南山東應輸漕米著照康熙年間例於乾隆三
十一年為始按年分省通行蠲免一次其江寧京口杭
州荊州等處駐防地方該省漕米既蠲所有應需兵食
如何預為籌辦並各該省蠲免次第應行酌辦各事宜
著該部速行定議具奏欽此

諭分年蠲免錢糧

乾隆三十
五年

上諭朕寅承丕緒撫有萬方宵旦求衣無日不以勤恤民

依為念是以劭農省歲減賦追征不靳多費帑金靳閭
閻共臻康阜溯在乾隆十一年丙寅朕御宇周甸肇敷
愷澤曾恭依

皇祖普免天下錢糧恩例蠲除直省額徵正賦二千八百萬
兩有奇越在三十一一年丙戌際當必世興仁蓋惟比戶
饒裕是計復下詔將應徵漕米省分照康熙年例概蠲
一次俾各倉箱盈衍倍積耕餘邇年以來寰宇乂寧民
氣和樂惟

上天孚祐我邦家洵錫康年頌符綏履朕祇膺

昊蒼鴻眷其可不究澤推仁以與我海內元元筭茲嘉貺我
國家席全盛之謨內外經費度支有盈無絀府庫所貯

月羨歲增因思天地止此生財之數不在上即在下與其多聚左藏無寧使茅簷蔀屋自為流通迺者仰紹

列祖貽庥化成熙洽為民藏富欣際斯辰且今年為朕六十年誕辰明歲恭逢

聖母八旬萬壽普天同祝慶洽頻年尤從來史冊所未有是宜更沛非常之恩以協

天心而彰國慶茲用乘春頒令誕布陽和著自乾隆三十五年為始將各省應徵錢糧通行蠲免一次其如何分年

遞蠲之處著大學士會同該部即速詳議具奏欽此諭辦理挾嫌誣訐乾隆五十年

上諭內閣前因步軍統領衙門奏江西廬陵縣生員郭榜

呈控該縣修理志書生員彭寅等經理藉端派累銀兩及將不應入傳之劉遇奇濫入志書將劉遇奇所作慎餘堂集呈首因交薩載舒常秉公審辦據舒常奏委員起獲慎餘堂板片並清風亭集鈔本一帙逐加校覈其中實有狂謬語句黏簽進呈並將劉遇奇之元孫劉員位拏獲審訊從重辦理等語朕將其書詳加披閱其簽出之處如對明月而為良友吸清風而為醉侯清風明月乃詞人引用成語此而目為悖妄則欲將清明二字避而不用有是理乎至其餘簽出各處俱係

廟諱暨朕御名未經避寫無論劉遇奇係順治年間進士其人身故已久安能豫知敬避即現在鄉曲愚民其不

知

廟諱者甚多豈能家喻戶曉卽偶有未經避寫亦無足深責此而指爲語句狂謬將其子孫治以悖逆之罪則將來挾嫌告訐之徒勢必吹毛求疵謬加指摘使人何所措手足耶此事舒常辦理太過已有旨諭令將劉遇奇子孫省釋以免拖累矣外間所著詩文果有如錢謙益呂留良等其本人及子孫俱登臚仕而狂吠不法者自應搜查嚴辦若並非有心違悖不過字句微疵朕從不肯有意推求所謂不爲己甚之素志實天下人所共見共聞者前屢經降旨嚴切申諭而舒常尙有此過當之語各省督撫文理不通者遇此等挾嫌控訐事件恐不

免拘泥太過任聽劣員庸幕謬加簽摘以致辦理失當滋擾閭閻殊失朕不爲己甚之意於吏治民生大有關係因劉遇奇一案再行明白宣諭知之

諭歲科考整飭士風

乾隆五十四年

上諭內閣翁方剛奏江西士子積習多於歲考知所做惕而科考漸就懈弛蓋由報優報劣皆在歲考之時而科考於諸生別無查察稍自怠廢者輒謂科考無關勸懲或至日久改轍之弊現飭各學教官將所管文武各生是否專心肄業之處於科試之年備造全冊每名下詳細註明入於交代冊內以備稽查各學報優之生如彙考不到及考到而文理荒疎者將其報優扣除仍將原

報之教官查辦等語翁方剛之為此奏不過見其隨事留心但江西既有此積習恐各省士風亦有似此者學政督飭士子原應歲科兩試並重若因歲試有報優劣之條而科試竟漫無稽查則文武各生其不能自愛者難保無怠廢改轍情事於學校殊有關係嗣後各省學政務宜實力整頓士習不特於歲試當秉公考覈即科試之年亦當一律認真辦理覈實程材以副朕整飭士風之至意

諭江西民情

嘉慶六年

上密諭江西巡撫張誠基知江西民情率皆信鬼神而欺官長重貨利而輕死生好訟之風甚熾贛州一帶兼有

械鬪之習至於持齋誦經所在多有雖習俗使然亦由正學不講之故因循日久終有大變是在良有司潛移默化易俗移風常存於心不可稍懈再武備更不可廢弛常存有備無患之念切戒兵驕將怠之習即如今年三月內萍鄉縣有饑民搶穀之事未見汝奏若果有此事而汝隱匿不奏所司何事為封疆大吏者切戒欺飾民之休戚豈可漠不相關耶

諭籌荒

嘉慶七年

上諭內閣給事中魯蘭枝奏謹陳籌荒一得一摺本年江西省間被水旱收成歉薄業經加恩緩征給賑並撥兩淮鹽義倉穀十萬石運往平糶以資接濟但此次被荒

之地較廣自須商販米運流通更於民食有裨惟該給事中
所稱該省士民有願赴川買米者請官給路票一節此不可行
地方殷實之戶誼切桑梓運買濟糶自應各從其便若令赴官
領票轉多一番擾累至沿途過抑例禁綦嚴著飭諭經過各關
口遇有運米船隻過境祇須驗明並無夾帶私貨立即放行不得
勒索分文並該督撫嚴禁沿途刁民勿許強留阻奪庶商販聞風
踵至市價不致增昂民食自無匱乏其有樂善捐施及減價平糶者
地方官自可報明上司量予獎勵但不必官爲經理致啟胥吏勒索
之弊該部遵諭速行

諭製化民成俗論

嘉慶十九年

學記曰君子如欲化民成俗其必由學乎旨哉是言千古不磨之論也蓋人不學不知道道者何天經地義日用倫常皆道也孝弟忠信禮義廉恥國之四維民之大用也知者則爲賢臣循吏孝子良民不知者則爲貪官污吏逆子亂民矣變化氣質養正毓德舍學無術也正學興則邪說熄官常肅則庶民從今之大弊在正學式微官常疲惰故邪說日熾蠱惑鄉愚頑俗固結而不可解者總由於不學之人過多之故也人性本善惟學能導其善漸仁摩義教孝教忠非學不能明德也廢學則爲冥頑之民不習正學必流於邪教矣如水之就下不可遏禁終至泛濫難止同歸於汙濁皆不學之害也學

者知大義不學者圖小利而不顧大義犯上作亂之徒皆因利也利心起而義心失大害隨至尙不自知如飛蛾投火至燬不悟誠可憫也見利忘義皆不學之人也此類人多非國家之福也家有塾黨有庠州有序國有學不可廢而不設也不可設而不學也不可學而不思也設官講學明正教也教官之名豈空言哉天下未有不可化之人未有不能辦之事所慮者官不盡職苟且因循民不能化俗不能成坐視流於汚俗不肯援救激成變亂惟用嚴刑峻法鍛鍊株連波累無辜流離顛沛不教而殺謂之虐是可忍也孰不可忍也三苗尙能感格况中土之人乎邪教之本唯一利字利心深染正義

全乖欲格其非心必自正學始道德齊禮有恥且格是聖王之全體大用不可不急講也經正民興斯無邪慝君臣各盡其道士庶各修其業形端表正上行下效庶幾移風易俗返樸還淳洵由昌明正學始也甲戌季秋齋居事簡偶讀學記有會於心故申論焉

諭課農桑緩刑獄

嘉慶十年

上諭姚文田奏請急農桑緩刑獄一摺國家政在養民農桑者天下之大本朕親耕后親蠶躬行爲天下先誠以民生所亟一日不再食則飢終歲不製衣則寒布帛菽粟其事至恒而所關至鉅定例考核吏治首列勸課農桑所以責望牧令者莫要於此古者物土之宜耕九餘

三歲有豐歉民無凍餒近者膏腴之產多以蒔菸倉廩
所儲兼以釀酒地利未盡禁令復弛地方偶值偏灾雖
蠲賑頻施民猶不免飢寒本務不修無怪乎閭閻之貧
且病也著通諭直省督撫各飭所屬府州縣官務知朝
廷貴農重典之意以勸桑爲畝境內汚壤悉令樹植嘉
穀有勤於南畝者勞之相之其糜穀病農者抑之懲之
地產日豐蓋藏饒裕衣食足而廉恥興富教之政其庶
幾乎至除莠所以安良刑者不得已而用之若訟獄繁
興株累者衆其妨於農事者甚大著問刑官吏遇有應
訊案牘務速爲剖判曲直嚴懲誣枉勿得拖累無辜以
恤民生而厚民俗其各實力奉行勿怠欽此

諭崇祀

嘉慶二十五年

上諭內閣朕恭閱

皇考高宗純皇帝實錄內載乾隆二十一年正月欽奉

諭旨昨於幾暇恭讀

皇祖世宗憲皇帝上諭有江西撫臣謝旻以原任學道高鑽

崇祀名宦降

旨訓飭並詢問江西通省紳士應否崇祀令其據實陳奏
因憶近時大臣中曾有祖父得祀鄉賢者卽尙書王安
國左都御史楊錫紱之父其同時題請部駁者曰徐景
京則其子固非身列顯要者也可見該撫之所請原在
駁可准之列而部臣之所議卽寓高下其手之心嗣後

子孫現任九卿者其祖父概不得題請入祀其身後鄉
評允當者聽著爲令等因欽此仰見我

皇祖

皇考於崇祀名宦鄉賢一舉加意慎重以勵名教而肅典章
前年直省曾將萬承風錢樾二人題請入祀鄉賢朕以
伊二人不過循分供職並無傑出謀猷當經飭令禮部
分別准駁覈實辦理景仰

前謨若合符節誠以崇德尚賢原以風勵眾庶必其人無
忝公論方能矜式里閭有光俎豆其事殊有關係嗣後
各直省凡題請入祀名宦鄉賢者該督撫務當確切查
覈不得以名實不符者濫竽陳奏部臣尤應秉公覈議

不可稍涉瞻徇庶揚清激濁公議昭然其有神於世道
人心者非淺也將此再通諭知之

諭質穀聽民自便

道光二年

上諭軍機大臣等御史程喬采奏江西質穀章程實不便
民一摺此案前據毓岱奏議章程請旨復經辛從益以
穀押係民間量力舉行不須官爲經理奏請無庸籌議
朕節次諭令確切訪查據實具奏總期有益於民貧富
兩便方爲至善嗣鄧廷楨奏貧富並無妨礙請仍照前
議辦理業已依議准行茲據該御史復以息穀過多限
期太迫實有窒礙難行之處據稱民間穀押其息不過
一分五釐至二分而止今每石官定納息三斗徒爲富

戶繼長增高未嘗爲貧民哀多益寡秋後取贖穀經風
颶折耗息再加增是蓋藏盡歸盤剝至以物質穀價直
較穀多至數倍向來三年不贖則沒入其本今官限一
年是衣物未得半價甫及一年遂已盡沒市廛典鋪例
准三年取贖何獨質穀勒限一年其以穀典押銀錢之
議尤不便民等語民間典質稱貸有無相通事所常有
江西省所屬向有殷實之戶於青黃不接之時將餘穀
聽民質押以有餘補不足沿行日久貧富相安若再令
立禁令官爲限制事涉煩苛致滋流弊朕前此歷經諭
令該撫等隨時體察實在情形酌量辦理現在既據該
御史指陳諸弊於貧民毫無裨益自不加聽其自便無

庸官爲經理著阿霖於接奉諭旨後遵照妥辦務期窮
黎矜恤有資無許官吏藉端滋擾

諭禁會匪 道光六年

上諭軍機大臣等御史熊遇泰奏會匪擾害地方請旨飭
查一摺據稱江西贛南一帶近有匪徒燒香結盟每人
帶刀一把名爲添刀會聚黨至數百人出沒無常沿途
劫掠上年冬間興國雩都瑞金地界一月之內疊劫商
販至五十餘起又有泰和縣馬家洲郭姓被劫資財萬
餘金迄今未獲破案並聞會匪與鹽梟勾結如泰和之
馬家洲萬安之白渡市私梟充斥每借刀會爲聲援放
礮闖關蔽江而下又有匪徒創立花會製爲三十六字

行
六

號三十六天罡令人射取打中者數十倍償之此風興國粵都吉水泰和永豐等處爲尤甚每日開廠嘯聚數百人其中多有流入刀會者非尋常賭局可比等語匪徒創立會名久干嚴禁如該御史所稱匪徒聚黨劫掠頻仍甚至鹽梟借刀會爲聲援肆行無忌地方文武各員所司何事至花會聚眾賭博亦應嚴加查禁免滋事端著韓文綺督同臬司邱樹棠將該御史所奏前項各情逐加訪察飭屬認真查拏毋稍疎縱至該御史所稱鄉村遼濶地方官耳目難周請就各鄉中選擇公正才幹之鄉耆舉爲鄉約一有覺察立即送官究辦如有隱瞞卽治以徇庇之罪並於衝要地面移駐一二文武員

弁專司緝捕藉資彈壓其法是否可行並著體察地方情形據實具奏

諭禁會匪鹽梟

道光九年

上諭內閣御史王贈芳奏會匪鹽梟蔓延滋害請嚴飭捕剿一摺會匪鹽梟最爲地方之害據該御史奏江西吉安府屬泰和萬安等縣向有私梟出沒之所加以會匪繁多與私梟合而爲一或名添弟會或名添刀會又稱千刀會均自南贛延入吉安其初猶知畏法近來黨與日多地方官懼滋事端惟思苟且調停卽釀成巨案猶復一味姑息草草了結甚有鄉勇拏獲送官之匪徒仍從寬免縱之歸家似此異情因循化大爲小不過規避

處分而縱匪養奸爲害日深必應明定考成以靖地方而安良善著蔣攸銘韓文綺通飭所屬各就地面嚴密躡緝遇有此項匪徒立即弋獲明正典刑毋稍輕縱沿河添設巡船專捕劫盜盡法處治其實由挾制入會者取具族鄰切結准其自首若能縛送積惡首匪仍予重賞其匪徒繁多之處責成明練有爲之員撫剿兼施毋許稍有諱飾如果實力奉行地方肅清舊任準免處分新任卽予擢遷儻有仍前將就了事者立即嚴行參奏加等懲處不稍寬貸

諭緝捕會匪情弊

道光十年

上諭軍機大臣等據給事中牛鑑奏稱江西省南贛會匪

首犯兇橫狡黠遇有恒產之人能知法度不肯附和入會者卽蹂躪田禾甚至搶掠子女勒銀取贖小民被其凌逼不入會則禍不旋踵無以保其身家人會不過斂給銀錢猶可免其荼毒以是畏禍之心甚於畏法脅之者愈甚從之者愈多迨至官司遇案訪拏此等被脅入會者本係柔懦愚民一經緝捕無不立時就獲而實係爲匪之積惡要犯往往勾連兵役交結吏胥聲息相通聞風遁匿及至事寢回歸益復肆行無忌現聞該省委員拏獲之犯已有四五百人其未經解省報斃者又不下二百人是各犯案情未定而株連民命已多且恐所獲之犯仍多被脇而該處積惡首匪依然避跡遠颺該

委員等於疑似之犯隨意搜捕沿途拖斃難保無要功
希賞情弊請飭嚴拏首惡等語江西南贛匪徒前據該
撫奏獲匪犯多名現在嚴訊犯供有無積惡首匪在內
其餘甘心入會者若不被脇勉從者若干是否解省報
斃者有二百名之多著吳光悅將所獲各犯親提研鞫
嚴究首惡姓名蹤跡按名擒捕淨盡其實係被脅勉從
並未爲匪者酌從寬減務期地方肅清勿任委員株連
擾累

諭查鹽滋擾情弊

道光十年

上諭軍機大臣等寄諭江西巡撫吳光悅有人條奏江西
吉安府屬之萬安縣爲水陸要道凡由廣東至南安贛

州而下者必經該處行走向設有查鹽快船派差巡邏
以防私梟過境近來差役等於私鹽船隻每得錢賣放
而於過往客商之查無鹽斤輒將衣箱貨物傾囊倒篋
任意盤折箱內銀兩肆行搶奪復向每人各索查看錢
數千至十數千不等客商赴縣控告該差役豫將私鹽
安置縣堂誣指夾帶眾役一詞不容分辨且添出衙門
書差人等勒索規錢使商民受罪含冤資本蕩然以故
商賈吞聲畏如狼虎等語地方設立查鹽快船原以杜
絕私梟非爲盤查行旅若如所奏情形差役等藉端滋
擾誣陷善良是私鹽得以安然過境而過客反受害無
窮豈不大干法紀一處如此恐他處亦所不免著該撫

密加訪察嚴飭所屬有鹽卡地方官實力查拏如有前
項差役擾害立即拏獲嚴辦儻仍前怠忽任差役恣橫
商民被累一經發覺必當從重懲處決不寬貸

恩詔借給被水各縣農民籽種

道光十五年

上諭上年江西省南昌等二十二縣被淹均已隨時加恩
分別蠲緩錢漕賑恤加賑借給挑復工本籽種房屋修
費小民諒可無虞失所惟念今春青黃不接之時民力
未免竭蹶所有南昌新建豐城進賢清江新淦峽江廬
陵吉水泰和萬安鄱陽餘干萬年星子都昌建昌德化
德安瑞昌湖口彭澤等二十二縣被水田地無力農民
著加恩酌給籽種其水未全涸之南昌新建進賢建昌

德化湖口等六縣均著借給一月折色口糧照例於秋
成後免息徵還至各該縣常平倉內如有貯穀無多不
敷借給籽種之處准其按照成案每石折給銀六錢在
於司庫正項內借放統於秋成後免息徵收還欸該撫
卽刊刻謄黃徧行曉諭務使民沾實惠毋任吏胥滋弊
用副朕始和布澤惠愛編氓至意該部卽遵諭行欽此

諭端士習

道光十五年

上諭御史俞焜奏嚴核優劣以端士習一摺從來民風之
醇樸由於士習之端謹凡有教士之責者不徒課以文
藝務在敦崇實行嚴爲旌別以樹風聲若如該御史所
奏近來各地方官於貢監生員併不隨時稽察教官舉

報優行人數日增不無冒濫其有素行不端者類皆徇
隱不報刁劣之徒肆無顧忌往往出入公庭勾串書吏
或以他人漕糧出名包攬或以不干己事聯名訟訐違
筆舌以玩法恃衣頂爲護符甚至勢壓鄉閭挾制官長
犯法滋事日積愈多於風俗人心大有關係不可不嚴
行甄核著該直省督撫府尹學政嚴飭各地方官暨各
教職務隨時訓誡認真稽查舉優者勿徇虛名報劣者
勿許姑息倘仍瞻徇隱匿致釀事端卽將各該地方官
及教職從嚴參辦決不寬貸將此通諭知之欽此

睿皇后萬壽恩詔

道光二十五年

上諭朕勤求民隱子惠元元自御極以來蠲賦緩徵恩膏

疊沛所願人安樂利戶裕益藏俾閭閻日臻康阜因念
各省民欠錢糧自道光十五年降旨蠲免後計期已逾
十稔本年恭逢

聖母皇太后七旬萬壽海寓又安民物豐豫允宜推廣

慈恩覃敷闡澤用昭錫類之仁所有各省節年正耗民欠錢
糧及因災緩徵帶徵銀穀並借給籽種口糧牛具及漕
項蘆課學租雜稅等項著各該督撫將軍府尹等將道
光二十年以前實欠在民者詳晰查明該省所屬某州
某縣銀穀若干速行開單具奏候朕降旨全行豁免並
著先將此旨刊刻謄黃徧行曉諭務使城市鄉村咸喻
朝廷德意毋任官吏胥役等延擱侵漁致滋弊竇期吾

釐

民休養生息孝弟力田比戶可封催科不擾用副朕延
釐篤祐申錫無疆至意該部郎遵諭行欽此

諭幫辦防剿事宜 咸豐二年

上諭內閣朕先後降旨令羅繞典陳孚恩曾國藩於本籍
湖南江西幫辦防剿事宜其餘各省在籍紳士值此賊
匪肆擾之時諒必志切同仇為民捍患著該督撫傳旨
令該紳士等各就該地方情形幫同團練保衛鄉閭或
用堅壁清野之法使賊不能擄掠偏勝一切布置經費
應由公正紳士籌辦不得官為抑勒致滋流弊該督撫
等惟當遴選賢能之員與紳民同心協力嚴緝土匪密
拏奸細以杜勾串被賊裹脇窮民皆吾赤子尤當分別

良莠予以自新有能殺賊立功自拔來歸或殲擒賊首
者立即奏明優加恩賞朕宵旰焦思誓必殄此羣兇綏
我黎庶封疆文武大吏其各仰體朕心毋負委任將此
通諭知之

恩詔緩徵被災各廳縣錢漕 咸豐六年

上諭文俊奏查明江西各屬上年被災田地收成歉薄請
將新舊錢漕分別緩徵遞緩一摺江西南昌等廳縣上
年被水被旱業經降旨蠲緩錢糧惟民間元氣未復收
成歉薄若將應徵新舊錢漕照常征收民力未免拮据
加恩著照所請所有南昌廬陵等廳縣咸豐三年被水
原緩錢漕屯糧餘租均著遞緩至六七兩年帶徵以紓

民力該撫卽刊刻謄黃徧行曉諭務使實惠均霑毋任吏胥舞弊用副軫念民依至意該部知道欽此

諭被賊州縣蠲免錢糧

咸豐七年

上諭內閣御史李希郊奏請飭查江西省被賊州縣懇恩蠲免錢糧一摺各直省偶遇偏災一經該督撫奏到朕必立沛恩施其被兵滋擾地方亦屢次加恩將應徵錢糧等項蠲免以恤民艱江西省各府州縣被賊竄擾已閱數年小民蕩析離居深堪憫惻現在九江撫州建昌等府先後克復地方漸次肅清惟念兵燹之後民困未蘇著該撫訊速查明被擾各州縣應徵錢糧奏請分別蠲免用副朕軫念民依至意

諭吉安府城克復施恩

咸豐八年

上諭內閣耆齡奏克復吉安府城大概情形一摺江西省自瑞臨撫建等府城克復後吉安賊匪仍復負隅七月二十一等日曾國荃等四面環攻城內之賊屢次出撲均經水陸各軍擊退八月初十日趙煥聯等會攻北門遮克敵布自水東進攻南街是夜賊用木籐小划乘急流衝下曾國荃遮克敵布等各戰船併力迎擊焚奪無遺十五日夜遂將府城克復吉安被陷已久此次耆齡督飭各路兵勇迅速奏功辦理尙爲得手竄逃餘匪仍著四面追剿毋令再有蔓延所有詳細情形卽查明具奏其出力文武員弁著擇尤酌保候朕施恩

諭江西豁免攤補同治元年

上諭曾國藩奏江西省民困未蘇請將州縣攤補銀兩懇恩豁免等語江西省自軍興以來迭遭蹂躪雖全省肅清而民力彫殘元氣未復該省各州縣自道光二十五年以來豁免清查各案內應行攤補各項銀兩節經前任督撫奏定分限章程責任各該州縣按限完交而州縣籌補之法仍不免借資民力甚或借奏攤名目科歛百姓朘削民膏殊非朝廷體恤黎元勤求吏治之意所有江西省道光二十五年豁免查出官墊民欠及攤補兵差經費等銀除已完外未完銀九十六萬一千餘兩道光二十八年各州縣未完銀十八萬一千餘兩咸豐

元年豁免案內查出清查以前官墊民欠銀六十六萬七千餘兩清查以後續墊民欠銀二十四萬三千餘兩加恩均著全行豁免經此次豁免以後各該州縣既無賠累之苦惟當激發天良整飭吏治年清年款源源征解如有藉口民欠以致額征短缺者即著該督撫查明嚴參治罪各該督撫亦當廉隅自勵於州縣無所濫取於民生無所朘削大法小廉實有厚望所有江西省錢漕如何定立章程著曾國藩沈葆楨會同迅速妥議具奏

諭各州縣士民殉難旌卹同治元年

上諭鴻臚寺卿朱夢元等奏江西殉難士民未經旌卹請

飭設局查辦等語江西各屬被匪蹂躪該地方士庶人等捐軀殉難者甚多實屬深明大義咸豐九年間曾經欽奉

諭旨飭令查辦迄今三年之久歷任巡撫並未彙案具報若再任其遷延必致日久湮沒著曾國藩沈葆楨即便嚴飭各屬設局詳查分別奏咨請予旌卹以彰忠節而維風化

諭江西省錢糧征收章程 同治九年

上諭劉坤一奏稱江省地丁錢糧從前名為遵例一正一耗實則收錢不止二千四百文收銀不止一兩五錢軍興以後酌減每地丁一兩改為收銀一兩五錢通省一

律照辦若徒博遵例之虛名恐蹈浮收之故轍所奏自係實在情形惟該省當兵燹之後民間元氣未復地方大吏當體念民艱力除積弊著劉坤一督飭所屬各地方官於明定征收確數之外不准絲毫任意加增以副朝廷軫念閭閻至意

江西各屬破匪蹂躪該地方主庶人
深明大義成豐九年間曾將
前官飭令查辦迄今三任之久歷任巡撫並未彙案具報
若曾國壽沈保慎即係
賊匪之屬及府詳請
請予旌師以彰忠節而
陳政紳念閭閻至意
大官欽此欽此欽此欽此欽此欽此欽此欽此欽此欽此
大吏當歸念其難也刻蘇幾著隆軌一皆皆祖風谷此
就費在靜沃並茲官當與齊之於其間示衆未敢此
於其後亦於其後之盡各感誠實效之若難以此自

重修吉安府志銜名

主修

道銜吉安府知府今任陝西鳳翔府知府定祥

河南開歸陳許道前署吉安府知府德馨

鹽運使司銜吉安府知府特克紳布

道銜調署吉安府知府今任南昌府知府蔣繼洙

三品銜卽選道吉安府知府鍾珂

纂修

三品京堂銜江西團練大臣翰林院修撰前山東提督學政劉繹

鹽運使司銜湖南糧儲道前翰林院編修彭慶鍾

鹽運使司銜福建分巡延建邵道周立瀛

協修

揀選知縣大挑二等候選教諭李伯熊

廬陵

大挑一等河南試用知縣郭藻

廬陵

揀選知縣前任新城縣教諭蕭鶴齡

泰和

候選訓導張楚鍾

泰和

光祿寺署正銜大理寺評事左寺行走王鶴書

泰和

兵部員外郎職方司行走胡宗元

吉水

揀選知縣

彭珣

安福

揀選知縣景山官學教習王開運

安福

候選同知前任山東鉅野縣知縣尹繼美

永新

雲南通海縣知縣郭鐸

蓮花

校對

候選訓導劉文郁

廬陵

光祿寺署正銜胡芳秋

廬陵

監生王澤縣

廬陵

附生員何邦彥

永豐

幫辦局務兼督刊

吉安府學訓導翟秉懋

經理

同知銜湖南補用知縣王廷棟

廬陵

戶部郎中廣東司行走彭世濟

廬陵

道銜候選知府杜邦浚

廬陵

吉安府志

卷首

首 卷首

同 卷首

重修吉安府志總目

卷首

繪音

舊序

凡例

輿圖

卷一

地理志

沿革兼星野
關隘 氣候

形勝
風土

疆域
物產

卷二

地理志

山

卷三

水 賦 賦

總目

吉安府志

卷首

地理志

水 陂塘

卷四

地理志

津渡 橋梁

卷五

地理志

古蹟 圻墓

卷六

建置志

府廳縣城池 上諭亭
府官解附倉庫雜建置

卷七

建置志

各屬官廨附
倉庫雜建置

卷八

建置志

府廳縣壇祀 府廟祀
花廳廬陵縣廟祀附寺觀

卷九

建置志

泰和吉水永豐
廟祀附寺觀

卷十

建置志

安福龍泉萬安永新
永寧廟祀附寺觀

卷十一

秩官志

封爵 府職官

卷十二

秩官志

廳縣職官

卷十三

秩官志

府名宦 統轄名宦 蓮
花廳廬陵太和吉水名宦

卷十四

吉安府志

卷首

總目

秩官志

永豐安福龍泉萬安永新永寧名宦武勳附

卷十五

賦役志

戶口 賦稅 蠲賑 雜課

卷十六

賦役志

屯政 鹽政 漕運 驛鋪

卷十七

學校志

府學校 蓮花廳 廬陵泰和學校

卷十八

學校志

吉水永豐安福龍泉萬安永新永寧學校

卷十九

學校志

府書院 廳縣書院

卷二十

軍政志

營員 營署 營兵 營器 營裝 營汛 營馬 營餉 武專

卷二十一

選舉志

薦辟 進士

卷二十二

選舉志

解試

卷二十三

選舉志

舉人

卷二十四

選舉志

貢生

卷二十五

吉安府志

卷首

總目

三

選舉志 武科甲 仕選 鄉飲賓附 武選 封贈

卷二十六

人物志 大臣

卷二十七

人物志 庶官一

卷二十八

人物志 庶官二

卷二十九

人物志 庶官三

卷三十

人物志 庶官四

卷三十一

人物志 儒林

卷三十二

人物志 文苑上

卷三十三

人物志 文苑下

卷三十四

人物志 忠節

卷三十五

人物志 孝友

卷三十六

吉安府志

卷首

總目

四

人物志 篤行 義行 耆壽

卷三十七

人物志 隱逸 仙釋附 寓賢 方伎

卷三十八

列女志 蓮花廳節孝 廬陵節孝

卷三十九

列女志 廬陵節孝

卷四十

列女志 廬陵泰和節孝

卷四十一

列女志 吉水節孝

卷四十二

列女志 永豐安福節孝

卷四十三

列女志 安福龍泉節孝

卷四十四

列女志 萬安永新永寧節孝

卷四十五

藝文志 書目 金石

卷四十六

藝文志 制敕 表疏 試策

卷四十七

吉安府志

卷首

總目

藝文志 議 檄 碑 記

卷四十八

藝文志 序 考 書 啓

卷四十九

藝文志 辨 跋 說 祭 文 銘 贊 傳 狀

卷五十

藝文志 五古 七古

卷五十一


藝文志 七古 五律 七律

卷五十二

藝文志 七律 五七截 賦

卷五十三

雜記 祥異 軼事



李志舊序

天下郡邑皆有志雖一方之書哉然紀以載其事表以括其凡傳以存其人文翰以鳴其盛凜凜乎國史之成規至隆重也吉州爲理學節義之邦海內所宗其文與獻皆可
以維世道正人心又非特一方之書也舊固有志矣至今七十餘載典章闕如余承乏茲土且六七稔憶下車之初
兵革未息瘡痍滿目履泮橋而謁先師垣頽桷圯神傷者久之乃進諸士聚講於瓦礫中旅葵牽人衣坐署望麗譙
傾危胥吏咸怖其出入崇樓行將毀幾無以考擊金聲萬戶晨昏瞑然誰警鷺嶼莽莽昔人勝蹟無一存者余乃
次第葺理垂橐經營幸不至費

國帑而奪農時惟是郡志一事忡忡然時往來余懷也今年春直指李公以志事相屬方議修復而驄馬還

京師乃請之兵臬趙公公曰是守臣之責也其亟行之爰檄九屬令長牛庠博士采各邑典籍先後以其書至又慮法未謹嚴詞不雅馴無以昭實錄而垂久遠於是集鄉大夫歐陽醒菴羅來思王謹山孝廉康上若諸君鍵室編纂刪繁舉要浹旬而書成諸君欲以余言弁其首俾成例也余按吉州乃荆揚交距之墟而吳楚庚分其地文章忠節之盛昉於南宋理學事以科第仕宦甲寰區者萃於明代至

開天以來英賢踵接不少遜於前人余復何言哉惟以吉

州舊事轉相勸勉俾後之君子尙理學則當如三文莊聶貞襄羅文恭王塘南其人焉而良知困知之淵源不流於異學矣建勲業則當如周益公楊文貞周文襄李忠文羅少保彭文憲郭少保鄒忠介其人焉而經濟輔弼之宏猷不荒於雜霸矣勵忠節則當如文信國周紀善兩忠愍李忠肅劉揚州其人焉而致身殉國之貞忠不萎於波靡矣論文章則當如歐文忠解大紳劉文安羅文毅鄒宮洗其人焉而黼黻藻繪之鴻文不玷於軋茁矣此諸君子他日之豎立如是鄙言固可秀也余不佞五試士於吉州安知異時名臣卿相不繇此出而余妄竊得士之名獲與顏魯公余正言朱簡諸公並列於版籍焉余實愧矣尤願後之

守是邦者踵事勿替豈但古壤之休哉余不佞亦藉以不朽矣順治十有七年庚子季冬中憲大夫知吉安府事加一級遵陽李興元撰

盧志舊序

吉安人文甲天下爲江西望郡隸縣九廳一廳故永新安福二縣地析置者古皆廬陵安成郡境也漢後分併不一癸巳夏余奉

命來守下車與學舉廢輒思考獻徵文樹之風聲非志無由信顧歲久所見聞異辭間有傳述類絲棼必衷於一而後定考郡志肇明成化間閱正德暨於萬歷凡三易國朝志則順治庚子歲本萬歷志而續輯之者而前志無

考夫吉以人文藪鴻文鉅製網羅搜討宜無失往往明著正史而不及收沿襲譌謬而不及正畧於本末源流之辨而不能核以悉又距今遠更百有十四年矣其間疆域之沿革風俗之澆淳人事之興替與夫哲宦名賢孝子貞婦高士文儒之表見以掖人倫裨世教及一長自異而彪炳人耳目者日以湮滅而不傳於後余懼焉乃集同寮議續修而郡士夫羣籲以公捐請遂據輿情徧白大府報可於是具書幣延積學者益都朱君天門分宜林君平園至司纂職併遴儒官分佐之發凡列目繪圖畫表別類分門更舊志之失而益其未備首

列聖詔勅凜官方勵士氣昭風俗之同也次

吉安府志 卷首
御評宋臣歐陽修文次

御製修像詩郡先臣上邀

褒寵

天語煌煌用光志乘垂之無窮此百代殊榮他邦未有之
曠典也若夫隸星野以經天區封域以任地稽衰旺察正
變以一王事而齊統紀或特書或附載視舊志三一不啻
矣夫志猶史也史兼勸懲志勸而已然有善而記之謂之
惇史嘉言懿行諷諭而嗟嘆之而爲善之心油然而起故
長民藉之勵風教焉既具以呈學使蔣希元先生廉使歐
陽蘭畦先生裁鑒之剔瑕抉類多所釐正余公暇更資博
採積帙盈几隨芟隨綴口惴惴濫與漏是懼始甲午春仲

訖丙申春季爲卷七十有六乃繕呈大府授之梓嚙其難
也已是非之公則郡人之視聽憑之若宜因若宜革則以
朔

郵治守土者冀取衷是而加祇勗焉至如奉揚仁風先型
可作相與勉爲忠孝使郡人遷善而不自知我士夫與有
責矣於戲其念之哉乾隆四十一年歲次丙申四月江西
吉安府知府襄平盧崧撰

吉安府志 卷首 凡例 一 吉安府志元以前無可攷僅見盧志山川門引宋郡志一條明則為萬歷志著於錄 國朝順治間繼修其本均不得見堪據為底本者祇有乾隆間盧志耳盧志分門多今併山川志於地理併書院志於學校舊志於書院惟添載縣書院及鄉書院其一部併薦辟志於選舉併數都之書院不能備載見各縣志封爵名宦二志於秩官其封爵志中之封廕則附於選舉之末從元史例也統以十綱曰地理曰建置曰秩官曰賦役曰學校曰軍政曰選舉曰人物曰列女曰藝文而以雜記終焉

重修吉安府志凡例

一 吉安志元以前無可攷僅見盧志山川門引宋郡志一條明則為萬歷志著於錄 國朝順治間繼修其本均不得見堪據為底本者祇有乾隆間盧志耳盧志分門

多今併山川志於地理併書院志於學校舊志於書院惟添載縣書院及鄉書院其一部併薦辟志於選舉併

數都之書院不能備載見各縣志封爵名宦二志於秩官其封爵志中之封廕則附於選

舉之末從元史例也統以十綱曰地理曰建置曰秩官

曰賦役曰學校曰軍政曰選舉曰人物曰列女曰藝文

而以雜記終焉

一卷首恭錄

吉安府志

卷首

凡例

綸音渙汗所頒皆係百僚官箴生民至計學校準繩考各省通

志有就各門內欽奉事件以次恭載又有恭載卷首者

江西通志吉安舊志皆卷首恭錄茲謹遵其例舊志并

錄 御批歐陽修文 御題修像詩及諸臣

和詩伏念唐宋文醕家有其書無庸登志像詩應載本

集故今於二者從略

一星野之說原於周官雜見於左傳國語後人立說互異

如揚州一域史記天官書主牛女而不及斗吳屬揚州

漢書地理志主斗而不及牛女異矣越絕書以豫章為

翼軫分野則尤異陳卓范蠡張良諸葛亮譙周京房張

衡並云豫章入斗十度與班固說略同晉書天文志從

之今志惟以漢書地理志晉書天文志為主而參以江

西志論其餘紛紛聚訟之說悉不錄盧志專立天文一

志廣徵博采泛而無歸以二百五十里一度而論吉安

之地廣袤不過四百里準之虛空鳥道恐不足當一度

考漢隋唐三書及宋史通典明一統志諸書皆以星野

附沿革今倣其例 歷代詳與盧志原列
天文志今移列雜記

一纂府縣志莫難於沿革盧志沿革一門舛誤甚多今攷

據正史及太平寰宇記明一統志諸書以訂其誤詳見

各條注語中

一山水古蹟及秩官祥異必資考核盧志山水有誤載者

茲則詳為訂正各屬新志稿或誤載者則不錄 如蓮花
廳志載

洙水出自贛境永新縣志
載洙水出自縣境之類

古蹟則參考地志秩官祥異

則參考正史於盧志闕者補之誤者訂之俱用注語以明其所本

一圖書之設由來已久而分率準望道里高下方邪迂直之法則肇於晉裴秀盧志於郡縣圖外復圖八景似為贅設茲刪八景圖而仿裴秀法圖郡縣以開方行之庶展卷瞭然

一列傳盧志全錄史文殊少別擇史則美惡並書志則書美不書惡如宋之隆平集明之列卿錄皆渾括其大要茲於史有傳者節錄其文餘或從省縣志或仍舊志俱各注明所本

一凡官名地名俱應照朝代稱之不可以今名擬古亦不可以古名如今官名如太守總管知府地名如吉州廬陵郡等類又紀事書年不書甲子紀人稱名稱字不稱號史之通例也盧志每違史例今俱查核更正但挂漏終不免耳

一軍政盧志分武事寇變為二目此志紀事即紀變也今統曰武事附於營制武秩之後
一選舉一門照舊登載其有補載必采自公行之書仕宦亦然人物列傳補載者或采正史或采地志皆詳注所采以免冒濫至新登人物本之縣志而又參之輿論方行續入盧志云收錄謹嚴餘存縣志不能概及今依其

例舊志於行誼內分質行義行善行等目似過於繁茲
統以篤行義行二目其餘大臣等目均從舊忠節孝友
舊列文苑前今列文苑後蓋從宋史之例

一列女一門新增者均以奉旌為憑但限於卷帙未能編
為立傳惟載各以昭不朽孝友義行亦倣之


一盧志沿革封爵選舉職官四門俱用表今從通志例改
用豎格間採羣書或補其缺略或辨其異同盧志各門
附載詩文原用大字今倣大唐六典杜氏通典式改用
雙行小字其無可附載及附載有遺漏者依盧志例載


大藝文

人物各有列傳詳其文行誌傳例不當載
盧志所載各傳其例失之寬今姑仍舊

一各志之首不另作小序其有考證故實者俱注於目下

以省繁疊志中引據通志盧志案語則稱某志案若新
加案語則稱案或稱今案以識別也





歐陽通隕蘇紫短蘇令案以辯四世
以谷樂通志中何熱匪志獻志案諸隕蘇某志案法深

輦




圖

吉安府境圖




南







東


西







上諭亭圖












鷺洲圖

三原元

卷首

二




世吟舞原

原古心祠

祠子君六原

原原



樓月風原

亭沂浴原

閣章雲原




堂心道

院書洲鷺


原學舍址

原景賢堂






加山山山

水山



白鷺書院圖





陽明書院圖

魁星樓
五賢祠

廚

園

陽明書院

橋


門

通分宜縣界十五里




自安福縣

自吉水縣






府境驛遞圖



見方千里

蓮花屬境圖







見方十里 廬陵縣境圖






廬陵縣城圖







泰和縣境圖







見方十里

吉水縣境圖





吉水縣境圖



一




東方十里


才豐縣境圖








安福縣境圖







見方士里



一 言 卷首

龍泉縣境圖





龍泉縣境圖

二 下





卷首
二五

見方十里









見方十里

永甯縣境圖


吉寧縣志 卷首

三十




永甯縣志



三十



永寧縣城圖



10245



三十一

| | | | |
|----|---------|-----|-----|
| 書名 | 吉安府志 | | |
| 冊數 | 40 | 版別 | 紙 |
| 議價 | 8000 | 議價章 | 年 |
| 編號 | 中字第 707 | | 月 日 |
| | | | 號 |

北京市圖書業同業公會印制

